

屏山縣續志卷下

輿地志

舊沿革志條列分明惟據事直書少所引證有類數典而忘特探常志以資攷鏡如左

沿革 里路 場市 形勝 古蹟

屏山古夔國地其原來疆域廣狹荒邈難稽漢高后六年城夔道元鼎六年相如宣旨開夔門通南中屬犍爲郡元封元年分犍爲置犍爲郡別屬犍爲郡六年又以廣漢西部屬南部爲越嶲郡又屬越嶲郡據三州郡縣目錄益州部犍爲郡屬縣五一夔道越嶲郡屬縣十二一馬湖甯州平夷郡屬縣二一平夷朱提郡屬縣五一朱提今查夔道縣之東鄙也馬湖縣之西鄙也朱提縣之北鄙也平夷郡治適在縣中時與三郡地犬牙相錯故常志並載夔道縣治馬湖會水通越嶲又馬湖縣水通夔道入江又符縣南水通平夷暨又分暨半爲平夷郡又平夷縣郡治有仇津安樂水山出茶蜜按夔道本有夔人秦紀言夔童之富漢民多漸月徙之有蓋受葦菰灌江有兵蘭李冰所燒之崖有五色赤白映水今攷縣境懸崖瀕江半多赤色其物產亦如所云

屏山縣續志

卷下

輿地志

沿革

文華印字館代印

安上廢縣 蜀典即今屏山縣地府志探入 建興三年春亮南征自安上由水路入越嶲

按常志越嶲郡列安上馬湖二縣未必是縣地

朱提廢縣 今地無攷按常志朱提本犍爲南部與螳螂南秦並列螳螂縣今雷波地南秦自夔道南廣有八亭道通平夷

廢馴州騁州浪川州 府志今屏山縣地據地理韻編增縣志同

馬湖故城 府志在縣西南季漢時屬越嶲郡晉省唐乾符二年築城縣志同按即今平夷司地又至元十三年後立總管府遷於夷部溪口瀕馬湖之南岸爲馬湖路初府治疑即

今雲南副官村地明洪武四年土總管安濟歸附改路爲府始即今治

屏山縣在晉元帝世爲朱提縣華陽國志自夔道至朱提有水步道水道有黑水及羊宮水疑黑水即今黑河鄉水也至險難行步道渡三津亦艱阻疑三津或指龍溪鄉一帶水言也故行人爲語曰檣溪赤水盤蛇七

曲盤羊鳥籠氣與天通又有牛叩頭馬博坂其險如此疑多在今治蜀典曰朱提縣即今屏山縣

地朱提山在今雷波地界漢置螳螂縣因螳螂山而名又按朱提郡屬有南昌縣故都督治有鄧安遠城又有郁郢二縣今雷波有鄧溪口與屏接壤又西甯河謂之鄧溪疑有所本

屏城瀕臨金江縣境延袤數百里窄於東南而衍於西北城外隔河即雲南界舊志分三十
八鄉有黑河馬草洗油三鄉暨蠻夷鄉今蠻夷改爲秉彝無黑河等三鄉名而添德成仁和
仁厚仁美富榮富和富庶春和龍橋大柞山子墨池新安青雲等鄉則幾四十九鄉矣地輿
猶是鄉名增改亦沿革之謂也謹詳紀里路以資控馭

出城西由青涼寺右至石碑坳三十里至龍溪鄉觀音場三十里又至龍華場三十里又
至石板灘二十里至龍水鄉雙河場又名欠口石二十里至龍沱五里由右至底堡場十
里至大楠坳三十里至炭庫鄉二十里至箭板場三十里與犍爲宜賓交界又由左至鐵
爐寺二十里交犍爲界由龍沱左至卷洞橋二十里至接官坪十五里至沐川場十五里
由場右至羅柘鄉場三十里至宋家村二十里又由小路循右至高笋場七十里至舟壩
場二十里中行至青龍鄉茨竹場萬全營四十里與樂山交界迤下行至黃丹場四十里
與犍爲交界由上行至楊溪五里至鳳村鄉場三十五里至利店鄉場二十里至火谷場
二十里至觀音巖十里由左至肥渡鄉石梁場二十五里至風水嶺十里至馬邊交界距
馬邊城三十里又由右至榮丁鄉場四十里至下溪場與馬邊交界由沐川場左走小路

屏山縣續志

卷下

輿地志

里路

二

文華印字館代印

黑旦子四十里越方山老林至五乘場三十里至利店鄉二十里至水油坪五里合火谷
場路由青涼寺左至結髮壩二十里至石溪場三十里至平夷司場四十里至秉彝鄉蠻
夷司場四十里至中都場五十里至喬壩場五十里交馬邊界由蠻夷司左至石角營五
里過西甯河循山西行至椒園壩二十里至下溪場三十里至斲栗沱場二十里出場直
行至流中塘四十里至西甯場三十里與雷波交界又由斲栗場西渡河北行入山口曲
折行三十里爲楊泗壩與馬邊瑪瑙場袁家溪等處交界由石角營過西甯河溯金河南
行至襯腰灘二十里至冒水場三十里至蠻溪口交雷波界出城東行至福延鄉三十里
至書樓鄉三十里與宜賓安邊交界又由福延場分路至王家鄉大乘場六十里至犍爲
眞溪三十里

屏民半屬山居墾種非納糧不入城市故隨時爲場利物便民期至負販雲集以有易無較
昔殊勝故附增鄉場

- | | | | |
|--------|--------|--------|--------|
| 王家鄉大乘場 | 仁和鄉財興場 | 利店鄉水油場 | 肥渡鄉石梁場 |
| 榮丁鄉峯興場 | 石堰鄉觀音場 | 平夷鄉九角場 | 中都鄉太平場 |

秉彝鄉中和場

東興場復興場槲栗場流中場西甯場雙合場 楊村鄉金沙場舟壩場

龍華寺距城九十里其地負老君山形勢壯闊先年夷匪猖獗竟踞斯山為老巢暮出曉返鄉民深受其害夷靖後建設平安營西距秉彝東出真溪北走沐川南屆屏城均百里遠近誠為居中扼要之地都守苟得其人日集守戰兵丁訓導之金城湯池萬世之利

沐川場距城二百里其地踞縣境之中上走馬邊老河壩及中都會隆太平等場五方雜處人類不齊又五子山即夷都山橫亘於前山起人面林深箐密時有賊匪藏匿攫人貨物又下走德成炭庫箭板場及外走史村羅拓黃丹各鄉為出清溪水要路往往外匪闖入間有搶劫羅拓羅伍兩鄉試開鐵廠招集流亡入山樵採窮極無賴動約打搶實為繁華必經之地幸土田廣沃人民秀良團保得力藉資捍禦當日悅姓獨攝長官司固儼然一小都會也

十二景附載
視山雲景 方山日景 馬鞍陌景 旗山烟景 琴岡風景 梓湖墅景
 二川水景 東溪石景 龍門雪景 南渚舟景 畫橋月景 靈龜剎景

蠻夷司與石角營砧杵相聞船路梭織百貨流通而以鹽布為大宗一行於雷波及左路蠻地一行於馬邊及右路蠻地雲南永善一帶均資焉為縣境之門戶亦商賈之口岸也

屏山縣續志

卷下 輿地志 場市形勢三

文華印字館代印

秉彝一鄉在縣西南斜距城二百餘里邊防最為要緊先年蠻夷司平夷司泥溪司接連正副三四長官司知其責任重矣今查其地帶以廣川環以大山極其雄險夷靖又越三十年市民幾不知兵屢教以團練保伍之法竟衰如充耳嘻石角為古屯兵之所故以營名今設巡檢署汛弁兵若干名文武並轄庶幾少安

西甯為秉彝極邊之地與雷波東林鄉界距城二百六十里

國初盛時猺夷帖服巨商大賈負販山貨如金銀銅鐵筴藥等類率由此出入故屋宇較廠沿路砌以石板至今可由設於汛防由馬邊營撥來汛後高建礮臺場西壁崖作關場前帶以溪水東又有小水環之居中扼要高屋建瓴可稱雄鎮

其東四十里有麻柳汛防凡為弁兵若干人亦由馬邊撥來與西甯為犄角之勢先是距場十五六里之通木卞亦於兵助守布置謹嚴夷民相安今汛署丁單寂然矣

秉彝山之載志乘者曰大小悍山今訛為大小漢溪又為大小漢曹悍者兇惡不平之意殆謂水之急流如是亦寓夷匪兇悍之情形也查自石角營至西甯汛山分南北幹其南幹與雷波九龍岡匡海壩騎龍等處接壤其北幹與馬邊袁家溪碼璫場柳木溪接壤時有夷匪

出沒極西則紅粟斃點燈堡通木卡最爲喫緊迤北則楊泗壩獅子堡沱田喫緊中則流中塘牛簾溪等處喫緊翻南幹則土地坳瓦窰坪雙合場等處喫緊餘槩栗沱下溪冒水場曹家溝大小漢溪次之

秉彝鄉達字左營防地中軍紮石角營前哨紮楊泗壩璧山廟中哨紮槩栗沱左哨紮長沙坪右哨紮流中塘挖棕坪西甯汎中哨紮雷坡之羅三溪中山坪

屏山舊管三十八鄉鄉分內外其榮丁利店鳳村楊村青龍黃丹瓜露大柞謂之外八鄉以界清水溪言也率距城三四百里控馭實有鞭長莫及之勢其地迫近犍爲如五聖場舟壩場五間房等處時來外匪盤踞魚肉鄉民水通般隻爲馬邊犍爲進出要路故舊設萬全營於其地一以控制峨邊夷匪一以彈壓內外游民以今攷之確是朱提郡縣地

榮丁鄉地近老林濫池子及馬邊熟夷墾種雪口山等處時有夷匪出沒故達字副前營中軍屯紮於此其楊村鳳村等處分防後哨紮龍池汎右哨紮報國寺幫辦右哨紮花樹硬近建石城一座前哨紮茶園堡右哨紮轎子坪新哨紮和尚堡後哨坳五坳子右哨紮猪圈門林老山深地曠人稀最爲險扼二十三年防榮丁報國寺之兩哨撥去青龍鄉茨竹場界連

屏山縣續志

卷下 輿地志 形勝 四

文華印字館代印

樂山距城極遠又近峨邊萬山老林土曠人稀時有夷匪及土匪蹂躪近防營並萬全營屯紮周密復業者多故場期屬集較繁盛焉

大碑石 在沐川鄉最古下有一洞深不可測道光時知縣楊公懋此題有不料碑無一字存句名勝志唐垂拱二年玉津令馬元慶等破馬湖夷紀功

乞子石 蜀典郡國志乞子石在馬湖南岸 一作東石腹中出一小石 名勝志作流出小石 西石腹中懷

一小石故夔人乞子於石每有驗因號焉寰宇記乞子石在戎州五里兩石夾青衣江對立如夫婦之相向故老相傳東石從西石乞子將歸故風俗記云人無子乞禱有應按樂史之言非也在金沙江若青衣江在嘉定矣石在屏山縣七十里俗呼二石爲甘酒壘懸崖中窪石壁上嵌二石圓如卵大如斗也二仙石 在沐川鄉相傳有二石鬪土司悅拔劍斫之一遁去一存刀痕宛然

神木山祠碑 在中都鄉老街小河北岸之山半距街三里許其下爲皇城基前明沐川副土司夷姓住宅因屋宇壯麗且爲黑龍土祖之裔故云碑以白石爲之由北都運來高一丈五六闊四尺厚五寸建亭其上甃石甃砌縝密字畫遒勁類歐顏永樂間胡廣撰書今俗傳

爲火石碑據彭記補按皇城基者以奉勅所建云然非指夷姓也彭議誤

英雄洞 旁鑄萬古英雄四字相傳爲黑龍土祖所憩詳舊志據彭筆記土祖姓夷氏名臘曲其母過龍池感而生神幼有材武時宋將南渡遠人不賓神能率鄉團禦敵後歿於陣土人思之爲請於朝立祠徽宗封爲黑龍土祖云云按華陽國志有竹王者剖竹而生興於涿水雄長夷狄氏漢武帝拜唐蒙開犍柯郡斬竹王後夷濮阻城咸怨竹王非血氣所生求立祠因表封其三子列侯死配食父祠今竹王三郎祠神是也二說未知孰是

文昌洞 在城東廟壩官道之北巖上高廣方丈深八尺中有文昌行像明土府安鰲鰲眉山余太保子俊撰碑文字多磨滅宏治二年書據彭記補

屏山縣續志

卷下

輿地志

古蹟

五

文華印字館代印

山水志

舊列山川於輿地志僅詳馬湖源委餘與一邱一壑毛舉類載似少經緯之分故特摘要條列如左

山川爲一方經絡自古畫疆分界恆必由之按屏屬南徼由城順流而下底敘府城二百二十里由敘城溯岷江而上至嘉定府屬之犍爲縣城亦二百餘里則列城原如弧形故其里數相距如此原繪輿圖馬湖江向東流合於岷江縣境小水如龍溪河沐溪河青水溪概向東流而一合於宜賓界之箭板場一合於犍爲界之沐溪口青水溪是宜賓犍爲縣治概在屏山東境似謬不然查全川輿圖岷江自成都南下至敘府則折向東北流故巴江距省十二站敘路亦距省九站則猶然弧形也嘉定府志歷代沿革水經頗詳其繪圖率如以形右豎建而東南則岷江也左旋折而北東則雅河大渡河也嘉屬水勢如此敘屬水勢可知矣府志繪水道甚明第稍偏於東故與縣水歸宿間有未合按馬湖水自福延溪下折北流多想沐溪諸水亦復如斯乃能合犍爲合宜賓注大江也水形如斯山之斷續方向可知矣故備論之

屏山縣續志

卷下 山水志

六

文華印字館代印

錦山屏 詳舊志章重記

去縣治二十里許椅山之巔四顧廣莫而橫空突起高與雲齊峭若削成厥石丹赭厥木喬夭遠望之鬱鬱葱葱如張屏然近即而視之五峰並峙盤阻縈紆類方壺蓬萊神仙棲息之所時際陰晦雲騰霧駕變幻萬狀若夫天氣精明精天射目巖腰積翠赤城標霞禽鳥聲碎滑滑然與耳謀士人曰此我屏之主名而舊爲太洪山者也予竊訝之天地以山川爲骨血草木爲毛山名太洪粵稽上古元黃兆判

洪濛鑿破黃帝然首山之銅女媧鍊五色石以補天意必有負絕之墟大造之爐神其鼓鑄而斯邑黃帝次子昌意所受分也吸繩若以融冶躍金沙而爲富故石皆赤色土類丹砂數千百年劫火燒痕其猶屯於此乎不然何猩色照耀若血之染人衣襟耶予遊天下名山夥矣晉之霍太秦之華嶽蜀之岷峩以及大江之金焦海上之罟成山燕薊之碣石罔不澄懷觀覽卒無如茲山之直起直落綠樹排雲而丹崖拱極竊恐廬山九疊巫峯十二未必有此天然畫景也邑之名多以山川有此奇勝其名邑也固宜又據縣志一名五峯山其上有梓潼觀傍有太洪寺姑不具論特狀其形勝以告邑之知言者未知能得其一二髮髯否也餘詳舊志徐夢楷記不贅

夷都山 詳舊志今俗謂之五子山按此山上連雷馬下接敘城綿互最遠而以子名未識

何據華陽國志朱提縣有四姓五子或即名所由來與寰宇記歸順縣有夷都山即此詳府志

神木山

老君山

書樓山

均詳舊志按邱志稿於近時山巖復有所採大都邱書燕說人各異詞不載

縣境之水通舟楫者有四而莫大於江自雲南昭通府流入雷波界注以黃螂之水謂之馬湖江其次清水溪沐溪河最小龍溪河源委志列如左
馬湖江自蠻溪口入境有溪水自西來注之

蠻溪口水發源大小土地坳瓦窰坪及雷境斗朋坳等處匯流爲雙合場屈曲流二十餘里至溪口雷屏分界處入於江

按雷波志有鄧溪即此水設有渡般工食仍由縣領給

又北流經冒水場三十里至襯腰灘二十五里至石角營十五里西甯河水自西來注之
西甯之水發源雷波東林鄉濫壩子黃蠟溪三望溪苦蒿汎等處並銀廠溝水匯於羅三溪東流三十里自西甯場口入境左受通木溪水流十里又受乾溝水迤邐入峽十餘里自沙沱冒出過流中塘又四十里至衙栗沱左有楊泗溪水由馬尿卡發源十里東有馬邊袁家溪水合流二十里入楊泗溪二十里至衙栗沱入河又流五十里至下溪左受馬邊瑪瑙溪水流二十里至雪沱又左受馬邊順天溪水又十里受團魚溪水又五里右受大小悍溪水爲龍神溝至椒園壩又十五里左受沙板溪水又五里至石角營入於江

屏山縣續志

卷下 山水志

七

文華印字館代印

按石角營舊名什葛營受西甯水謂之什葛溪雷波志西甯河源出竹兒窩明統志源出小悍山舊志同溪岸有石角曲折吹之嗚嗚今傳言石角現則夷不靖屢試皆驗舊志此溪受有馬邊鄒水及東興水皆以上所載水之別名

又北流五里蠻夷司水自西來注之

蠻夷司水發源馬邊蕎壩鄉大紅巖三十里至龍池右受胭脂山水匯流五里至靛藍壩又三十里至蕎壩又十五里至野茅溪入境右有老河溝水由老林口發源二十里至雞公巖合流二十里左有龍沱溝水由狗脚卡發源三十里至會隆場合流下一里右有溪溝水由五子山發源三十里至壩上合流下四里至中都又三十里至太平場右有冷水溪由龍洞坪發源三十里至太平場匯流十五里左有會龍溪由胡正溝發源二十里至鳳凰山腳合流又五里至蠻夷司入於江

按水道提綱金沙江鴉礮江由雲南烏蒙西北境折東北流二百七十里至蠻夷司南有馬湖水自西北來注之查昔蠻夷司地必毗連雷波黃螂等處所載尙是通志江源引蜀水經云云將楊村之瓜露水闌入非是舊志蠻夷鄉有黃鐘溪芭蕉溪夷都溪又有歇停

溝即以上所載水之古名

又北東流十里至石板灘又五里有葫蘆溪及清水溪自北來注之

按葫蘆溪清水溪詳舊志

又東流里至大窩灘又十里至梳杆嘴又八里至平夷司

水自北來注之

桂溪發源老君山下流三十里入於江

按通志檜溪在蠻夷司東源出山箐中其地產檜木故名舊志未載檜桂音近或即此溪又舊志有仙人溝水亦入江

又東流三十里至石溪灘有溪水自北來注之

按石溪水發源妝妝窰子乾河溝三十里至溪口入於江

又東流二十里至雞肝石灘有鎮螭溝水自北來注之

按鎮螭水發源老林口二十里至結髮壩口入於江舊志深溪黃龍溪均在縣西四十里溪有潒龍黃色又結髮灘在縣西二十里通志在縣西十五里灘水縈迴狀如結髮又明統志鐵鎖灘在府城西十五里即馬湖江下流兩岸石壁峭立每夏秋水漲舟楫不通用

屏山縣續志

卷下 山水志

八

文華印字館代印

鎖懸於江之北岸舟人至此數人攀援崖上拽舟而過故名又雞肝石灘峻灘並在府西四十里新開灘在平夷司界今查兩岸絕壁惟石溪灘如是鐵鎖灘當指石溪言

又東流三十里有普村溪三公溪金魚溪泥溪水自北來注之

按三公溪發源富榮鄉大小二溪合穿牛鼻水入於江通志三公溪在縣西五里有三派將抵江岸合而爲一入江又金魚溪在縣西三里中多金魚自高山麓流出合大江又名勝志城西二里源出舊義興縣界流入馬湖江義興縣不知何據

又東南流過縣城至萬窩有石橋水自北來注之

礮名牛尾形如犀牛望月其水自錦屏山下發源流十里又東有永定橋水發源柏香林流三十里又東有翠雲橋水發源槩栗灣後山流二十餘里又東有灰獺溪水發源牛欄崗流三十里至橋頭同入於江

又東北流三十里有福延溪水自西來注之

福延溪發源板板橋及阿司壩兩水合流三十里至華頭嘴又二十里至黃梁礮有礮今圯入於江

按舊志福延鄉有水碓溪天神溪洗腳溪洞巖溪

又北流二十里有書樓後山水自西來注之

其水發源山脊沿流五十五至橋溝頭有薛文清書院至是入於江

又北流迤東十里過樓東場有塘房灣水自西來注之

其水發源書樓後山由巖上瀑布而下曲折流入於江依塘房有大磬石樹四方碑至是交宜賓縣界

按舊志書樓鄉有龍三溪

以上所載溪溝水名時與舊志異同因編輯太速未暇詳究其折流方向與水道提綱及府志江流攷亦稍有異提綱府志以大勢言縣志以一境言得諸親歷與傳聞有間故特標明又凡岸石雲南水之入江者不載

沐川河源分左右左發源大村鄉五子山即夷都川之陽東流二十里有魚孔壩水發源新沾大村交界之鏡鉢頂自西南來注之屈曲歷白崖沱至官田壩十里屋上有福田寺乾隆間於此處開銅廠折東北流有帽兒山水名乾溪河自西北來注之折流迤南歷牛馬沱抵余家村有五名小

屏山縣續志

卷下

山水志

九

文華印字館代印

溝水自西北來注之又東北有發源磨心山龍門水自西北來注之地名三溪口又折東流越石包沱至沐川場中心壩二十里又歷東皇渡淹兒沱長灘斯謂左溪其水較大有右溪水來會右發源新沾鄉石硬子東北流經鳳鳴鄉捲洞塘地右有小溝水入之又折流數里又有小溝水入之又十餘里南有小水入之至芭蕉沱入沐川鄉界又歷印浮石石板灘岸上有流杯古寺迺瀾橋知縣張澍題筆又折東流經石棺材如彎弓形環沐川場又經馬鞍沱香爐壩屈曲北流抵永濟橋而合於左溪河自發源至此五十五里沐川來龍曰白巖寨上牛欄山干板栗下牛

欄山山勢層層發脈至黃葛堡一水噴出瀑布千尺如人沐浴狀故曰沐川中蓄為蒲草灣場上烟戶稠密設有沐川汛羣祀則川主廟南華宮關帝廟文昌宮東皇宮福聖宮龍神殿禹帝宮萬壽宮五皇廟三官

樓舊土司長官署舊銅官署前明進士胡鑑宅其西北有紅巖子向天壩諸勝至雙河口有龍沱水發源黑叟子之陰流四十五里自西來注之至是入史村界歷捲子沱石樑子至渡口有泥河發源

德成鄉李子壩即古富民溪流三十五里自東南來注之出渡口為中心壩始通舟楫運載茶紙筭芋穀米等物又歷貓

兒石仁厚鄉界石魚匡沱折北流有黃龍池水自西北來注之溪口有張公橋又歷香爐石灘至長河壩羅柘鄉界折東北流歷苦竹沱至羅柘渡口有安家山水發源石磐廟下自西北宋家村流三十里來

注之計沐川場至此三十五里又東流有梅子溪由大南坳發源抵炭庫場三十里自東南來注之又歷石門限入犍爲界鐵爐寺二十里再四十里入岷江

清水溪發源馬邊油榨坪夷地流四十里與核桃坪水合又四十里至跳墩子又二十里至官帽場受三溪水又西有銅廠溝水來注之水流交衝環以鐵鎖橋距馬邊城十五里又別有殷家溝及桐子林水來注之流二十里至芭蕉溪又受迴龍鄉水合流至下流場口又二十里至雪口山下場口又會左右兩水至鎮江廟大竹堡入屏山境其界由大紅岩下魚倉流山鄉立界牌鑿石鑄字

二十里經榮丁場場似眠弓形前狹後寬群峯環繞河壩亂石平鋪權作校場建有永定橋副前營公署禁此場後有土堡改建龍池汎又有文昌宮解結寺東皇殿七星殿等廟

又左受龍洞溝水流十餘里右有觀音巖水來注之又二十里爲火谷場利店鄉界一路怪石林立湍激之聲終日如吼

又十里至水田平越利店場有箭溪溝隴西溝水自東來注之有石板溪水自西來注之此通舟楫載鹽米雜貨與犍爲進出又二十里右受李村張村河水又名羅漢溪水自瑪瑙山頂發源流二十里

來注之又十里至官上場交鳳村界有大溪口水即桂香橋水發源榮丁後地五坳子周圍五地五甲東溝蠻哨迴橋魚倉口北甲有後地自右來注之又二十里左有流沙溪水來注之又十里爲楊溪口

屏山縣續志

卷下 山水志

十

文華印字館代印

兩溝水有泉出魚同來注之經黃丹場爲黃丹溪左有箭子溝水來注之其地又十餘里右受跳墩

子溝水又左有磨磨溪水來注之至是交犍爲界屈折北東流九十里經孝女渡至兩河口入岷江

龍溪河源分大小大龍溪發源富榮鄉馬皇崗一名雪曹流十里許右有石牌坳之水來注之及二十里有向家溝水自西南來注之其水發源富榮鄉石塘子下流三十里至中嘴入龍

溪又十里有山羊溪由黃連坪發源流三十里底張家灣自東來注之又五里至觀音場外

有鐵鎖橋名凌雲橋知縣張繼曾德政碑坊又十里有清水溪由老君山後二燕坪發源流三十里底范田壩自西來注之又十里至周家壩河水分流河心有川主廟田畝至周家嘴仍河流十二里有會河溪

由田家溝發源十五里至元沱子左有濫壩子溝由居士岩發源流二十里會於元沱子合流八里至油房壩自東來注之又五里至龍華場西有小龍溪水來會小龍溪發源老君山

及高家灣流三十里左有太平溝水一名黑龍江發源於闔天坡流三十里右有金魚溪發源闔王壩流三十里同會於魚窰壩參溝合流壩內有大冒水金魚出焉鱗極細其水隆冬亦有熱氣左受慰斗溝

水流三十里至龍華場與大龍溪合又五里交龍水鄉界又五里左受細沙溪水又十里有大龍

洞水來注之其水發源於宜賓界又北流二十里至雙合場又五里至龍沱昔人題有石龍過江來水面僅數尺
句 又十里至底堡場又四十里右受金魚溪水始通舟楫崖上田又四十里為龍溪口箭板場宜屏巒三交界又十里合岷江

按三溪水同在縣境隄為輿圖則清水溪沐溪由西南來宜賓輿圖則龍溪水河由西北來宜雖居下游其地偏南不應懸殊若斯大約宜城居其治東南隅視水若東南下而其實屏水則概向東北流也馬湖江亦然又舊志孟密淵在沐川鄉龍盤溪夾溪龍洞溝船板溝後地溝在榮丁鄉銅鼓溪箭溪溝在利店鄉劉三溪臭水溪在鳳村鄉漏眼溪在楊村鄉麻陽溪小河溝在新沾鄉花蛇溝鮮家溝在龍溪鄉韋家溝在羅伍鄉梅溪在炭庫鄉文家溝在黑河鄉今入於三溪之水即舊所載水名傳聞異辭故有不同

屏山縣續志

卷下 山水志

十一

文華印字館代印

營建志

舊志建置眉列改土歸流大啟文明後賢接規制美備之後有因無創雖間有踵增等諸自檜然經營繕葺時事可徵詳紀如左

城垣 公署 關梁 道路 碑坊

城垣道光十五六年江水漲發冲塌南門城身相連五靈橋六七處又北門城堞出水橋祠多有坍塌知縣錢忻和督修完竣咸豐二年江水迭漲四年七月風雨大作復將城樓吹折東門一帶坍塌約四五十丈十年江水又漲冲圯城垣多丈知縣黃漢章周錫齡先後稟請修理卷查累年各處均有培補至十一年完竣光緒十年北門及東北各處城身堦口均有坍塌知縣時守忠稟請修理十八年六月江水陡漲冲圯西南東一帶城垣七十三丈又北門坍塌城垣十五丈有奇知縣譚西慶稟請修理完固石角營城垣光緒十三年巡檢王長清稟請繕葺縣署三堂光緒十三年知縣譚西慶重修得清軒左上房三間二十三年章重建大厨房一所十五年知縣劉善源改修二十三年章培建

屏山縣續志

卷下

營建志

十二

文華印字館代印

署右書房院一所又右茅厦三間知縣譚西慶建倉五間庫一所未知何人所建

署左倉壩東南隅草亭一座光緒十六年知縣譚西慶建大堂抱廳三間光緒二十三年章

重修有記

堂署今世士大夫所視為傳舍者也或期月一代焉或數年升遷焉勞心於簿書執掌營營者何暇計斯之修廢其足以庇風雨也聽之不足以庇風雨也亦聽之聊以集吾事焉耳雖然斯果傳舍乎哉凡署無

論大小率嚮明出治取繼照四方之義而大堂則屹然在中明之尤明也內寢燕息且不可以陋居况堂皇冠冕奉檄守土者日設誥敕箴簡筆架以臨蒞斯民願聽風雨漂搖其不退為二堂之審訊畫廳之便問也幾希予嘗論之州縣為親民之官而莫親於大堂之聽訟邑之人屬耳目焉訟之是者是非者非之是則有勸非則有懲懲勸雖歸獨斷是非仍聽諸公評甚或非中有是是非吾詳為剖白咸曉然於是是非非之不容幸濬因是訟之善者勸旁聽之善者亦勸焉不肖者懲旁聽之不肖者亦懲焉一判決間如見我心凡以親吾民而已書差不得隱蔽疾苦立即上聞則堂廳之所繫豈淺鮮哉邑舊為馬湖府縣署即府署規模宏廓而抱廳之額圯多年予於光緒二十二年冬奉檄來蒞斯邑見大堂前基址猶舊廳柱祇餘一間傾側可畏越明年歲丁酉春集款飭從新建修鳩工庇材暨夏六月功竣需錢四百緡有奇 聖諭牌坊重樹之高起尺餘培整如新非好役也所以肅觀瞻大一邑之規模俾臨民者知大堂為親民之所思所以講明而切究之不惑於斯世傳舍之說焉則予之淺見亦即斯民之厚幸也夫

聖諭牌坊光緒二十三年章整建高起尺餘

大堂側字庫光緒二十三年公修

頭門側育嬰堂三間上覆以樓光緒十年知縣譚西慶創建章有序載賦

廳署大堂二堂三堂及頭門小院等處光緒十六十九兩年典史韓永聰先後培修完固

衙神祠在署右不知何年改建三費局附此章序

三費之設不得已之舉也古者親睦成風刑措不試焉用此為自後世以勢利相尚富者連阡陌貧者無立錫

而盜案起苟合則異姓同居微嫌則骨肉成仇而命案出盜案起緝捕有費命案出相驗有費追讞定矣招解由府而道而司所在羈管合計每案連差犯口食等費約需錢百千上下或千詰駁則發回另辦所費一准前數此其為累無已者也幸盜犯就地正法需費稍減然隣封會審支給亦數十千故州縣之無三費者或派諸案證或飛灑鄰里種種苦累民不堪命尤累費者委員朝來日查某事夕至日提某款春冬兩季絡繹不絕省如斯道如斯府亦如斯而官亦不堪命於是設局統籌以為必如此乃足備命盜命盜所由止也而轉囂然不靖矣太史公有言法令滋章盜賊多有旨哉斯言乎邑於光緒十三年譚任內創設三費專取城鄉肉釐每宰猪一給票一張取釐錢二百一備命盜一防夷需一供委員往來之支給十五年劉任明定章程刊本作四十八條永垂為例擇安紳經理鄉分四十八場業鼓刀者頗多歲集款三千餘緡截長補短僅敷支給夫古來士大夫無故不殺庶人年非六十不食肉今窮鄉僻壤編戶黎民率飲酒食肉恣口腹之欲以取釐者示禁之其亦不傷政體之一端乎夫各有所當也

監獄一所在廳署右男五間女一間外監一間又添設監房四間週圍墻垣完固創建年月失查光緒間十二年二十三年典吏韓永聰兩次領款培修

訓導署正房四間右廂房二間大堂門壁光緒十九年訓導朱文光培修

石角營巡檢署上下客房六間中都鄉濟田穀太平有象四倉光緒二十二年巡檢王長清先後稟請培修

考棚南向創建年月失查正房五間出簷大堂一間門房書役房大小四間大堂外抱厦五間東西文場兩所號桌凳全右箭道上房三間左廚房一所儀門三間大門一

屏山縣續志

卷下 營建志

公署

十三

文華印字館代印

龍湖書院乾隆四十二年知縣張曾敏重修講堂光緒七年知縣張繼曾移建

步雲亭道光十六年知縣錢忻和創建有記附

屏邑舊馬湖府地據錦屏山下重巒疊翠一水涵空於戎州郡屬最稱扼要去歲錢香士明府奉文權篆斯土下車

伊始問俗觀風詔都人士議建是亭非壯瞻觀資遊玩也屏邑多山雖號瘠壤而士皆敦詩書說禮樂蒸蒸然有振拔之氣國朝定鼎以來膺顯秩擢巍科者指屈寥寥堪與家言 聖廟東旁有溝流水地勢缺陷嘗春夏雨集山漲澎湃下注實足消洩精英而駕亭城上鎮之其說信耶否耶致天常不足西北無消息陰陽燭龍衝火庖媧補石言近俶詭何以稱焉夫事可人力成苟有裨於地方何憚不為香士公意始在斯乎甫及鳩工旋因交卸晉省今夏五月夷醜跳梁侵擾邊境洪堂榮明府僕僕征途計續修未之暇也少尉楷人鄒公深慮前功致廢適會代堂職有以三元第施項來質者諭捐其地租百金然踵事未幾而資費復竭越仲秋香士公重蒞是邦運籌軍務爰刻期完竣五旬舉之噫香士公豈為亭復來乎而實若為亭復來亭之遇固奇要其遲之既久艱於一成以相待者始終又皆有定數焉甚非偶然矣香士公滇池望族以辛巳孝廉屢膺鶚薦乙未始成進士分省來川蓋由盤錯以別利器故才大心細豪邁不羣其一日千里之概縱任肩繁劇踰越險阻恒坦然而之無疑好整以暇如此亭起建於晏飲從容之時結局於戎馬倉皇之際不亦可想見其壯志哉是學也邑人感之驥尤幸之將見氣象嶄嶄文風日起多士慶彈冠均以經濟酬時用則斯亭即可作文翁之石室觀也嗣是刁斗無驚邊陲安堵登高望物遠阜民熙則斯亭又可作李德裕之籌邊樓觀也步斯亭者顧名思義宜何如愛而自奮砥行勵名以激昂青雲也歟驪夙陋於文而切於頌禱勉書此以為之記訓導雷龍驥撰

養濟院一所在北門內昔年創建

詳賦

普濟堂一所在東門內道光間添建

詳賦

勵節堂一所在東街光緒七年知縣張繼曾創建公啓附

蓋聞霜操自矢完貞無借助之心風化攸關嘉善有尊崇之意錫芳名於萬古 朝

廷且藉以激揚挺正氣於兩間天地亦為之震動惟是窮民無告莫如此茹苦含辛是官將伯有呼當用其哀矜惻隱其在朱門望族豐衣足食原無事於代籌若夫白屋貧家稿餓孤寒忍弗加之軫恤當其鴛鴦死穴孔雀孤飛雖碎身粉骨而不辭亦斷臂灰心之已久豈肯低眉苟合俯首偷生祇以黃口遺雛延一髮千鈞之祀白頭衰老觸形單影隻之悲慷慨州騰躡踏誓志倘使從容井臼匪勉壘鹽亦可自度年華稍充日用何乃家遭多難運值不辰藜飯藜羹零糗敗瓦細少生存之計略無朝夕之需其有噩夢方蘇驚魂愈烈既所天之永訣復喪子之何依痛紫玉之成烟黃泉可見慘青閨之薄命紅淚全枯人何以堪天胡太酷縱處膏粱文繡猶覺淒涼况嗟凍餒艱難倍增抑鬱斯則舞青鸞之一曲傷哉血濺湘筠歌黃鶴之十年慘矣神酸冰蘖顧或謂夢蟲習苦味不知甘蘭爵自煎香瀾耐久巧孀雌之鍼帶足備嬰養女博士之生涯或兼書畫訓課課筆燈之字熊膽能嘗鳴機杼織錦之絲 龍章待貴始居冷落終遂顯揚即無發洩之祥豈忒沉淪之理似無庸過為顧慮多事經營不知啼珠暗泣難供數米之炊積緒勞愁莫補縫裳之線業既窮於衣食誰其表厥聲稱故詩詠共姜咸仰柏舟之志節豈賦裁潘令莫邀花縣之栽培仁廉張父台甄錄幽光曲全潛德謂屏邑原多節孝未建總坊或無養贍之資不乏側微之戶信捐鶴俸憫念鴻嗷並舉孤嫠都歸綽楔屬同人而募化冀集腋以成裘有餘則潤沾不足泥彼注茲隆盛亦波及衰頹衷多益寡務使觀感者羣知興起湮沒者共被榮褒人間之缺陷皆平貞節之隱微畢闡力勸善果諒有同心尋常禮佛齊僧好施常祈福報較勝解衣推食救人更種善緣扶持玉潔冰清好成就女中烈士感激啣環結草庶慰安泉下幽魂賢有司欲厚人心將名教之保全不少大善士能肇義舉信仁人之功德邑量邑舉人品 鍊撰

龍關嘉慶五年知縣金維熙培修賦附

馬湖故郡改縣屏山崇岡峻嶺扼要莫如東關壁立而上儼在雲端一加修飾等諸劍閣之難攀因不禁曠然思油然而賦之曰惟東

關之險峻兮誠天造而地設南臨金江兮水洶涌而激烈北枕龍山兮峯峯嶺嶺而紆折據敘瀘之上游兮通商賈而雲集控滇黔之下流兮威猱番之羽戢疆圍得此雄關兮恃而不恐者有日雖乘時在德兮匪昇平之世所甚急然設險固國兮亦百里之君所必及有金公號仁野兮本青蒲之俊傑奉 簡命以臨民兮受龍湖之宰職厘乎廢墜兮不遺餘力觀茲關隘兮低徊欲絕緣夫三溪合秀兮俯漣漪之不息五峯獻奇兮仰峩峩之可悅望書樓筆架兮文清留過化之跡臨桂閣石欄兮 文昌持祿嗣之籍晴雪掩映赤巖兮山美而加以點綴魚網漫延沙洲兮水深而大可取挹玩龍湖之

屏山縣續志

卷下

營建志

關梁

十四

文華印字館代印

夜月兮時起時滅看萬渦之晚渡兮或舟或楫於寶堆春眺兮木森森而村舍維列瞻錦屏積翠兮嵐繞繞而光彩不竭夫豈徒術以龍躍天津與鳳嶺之迴環高凸因念重門擊析兮所以禦暴而保赤若於道塗不治兮是為尸位而濫食於焉善工庇材兮修夫殘補夫缺日省月試兮考其成責其實慨然解囊兮捐俸廉而不惜不累閭閻兮憫黎庶之多瘠茲則行旅歌於道路兮無須龍旌暨虎節宵小畏而遁藏兮不假短戈與長戟其額曰雲際崇關兮留公之巨筆據其險曰龍湖保障兮頌公之茂績播芳名於邑乘兮誰忍忘其修理而整飾教諭劉躬逢撰

靖邊樓在龍關之上嘉慶十九年知縣張樹培修有記附

去縣治二里所有望龍山之岬置關曰龍關俗謂之東關也舊有樓淪沒日久焉橋靡存

余於簿書稍暇捐廉修之觀其層巖矗起壁立無階隱隱削雲翼佩江濤水脈漂迅突怒飛靈路不容軌牛叩馬搏石乃累巖魄助神驚極良坎之形胡矣魯法孝直有言魚復 捍關臨江據水實 益州既福之門予謂此關界限滇蜀控輿都脊亦瀘敘之屏障也登其樓際霞暉之鑄監賊繩善之源派指昌意之九野野野相之平石尋諸葛之古渡弔姚岳之戰壘亦將幽情瀆涌壯思凌嶠豈徒天水長溼撫吹一聲東易平暢妍抽八韻哉工既竣銘諸石若水西徠繩波東洋孫淹附江駛奔焱怒天作高山壁立江步迢迢浪濤屹然作固雄關峩峩拱峙時麗雋俛窺銅瀨仰眺瑤杓鐘靈此日瓦敗何辦折風路欒搖予宰馬湖壤接邪龍左擔五尺遠憶唐蒙探丸輯盜賣劍劭農漢息堂琅戈偃冬逢鳩工砣石駿發廝塗棟栢面廓開軒負巖樹陽極拂雲阿留瞻魄影懾楚魚鰲飛夏翟蜺栖枕獲鸞啄角鈴窟塗蛟鱷窟撼雷颯颯愕領印藪瑩聽永鎮三絳空裏五丁劍閣豈峯玉津崔嵬千里極目百尺雄才籌邊濡筆嘯月浮杯勒銘砢砢碎萬古莓苔志兀甲子時維嘉慶端蒙大淵獻孟陬月辛卯日知縣事西涼張 樹纂並書

下溪安濟橋嘉慶十九年羅廷模捐修知縣張澍記附

什葛營而南有下溪連山縈迴峭壁巉絕巨石磊落深壑黝窅其水承東與團魚瑪瑙諸溪積

波瀾轉駭浪雷濤激之音喧巖傾地負簞囊者至此望風謝跡羅生廷模翔實敦堃嗜義首公憫涉者之病為濟人之舉勿工伐石所夕董作業險創狹超涯截壑糜金五百有奇歷六月而橋成焉嗟乎雨集除衢辰角昭回水涸成梁天根灼見後世惠人不但徒枉不修斯單襄薛宜為浩歎也維生此役補有司之不及為玆客之所難人不必川游徑踰路自然矢直砥平蛟龍伏幽星象瀉漠跨虹連岸浮龍積航亦屏邑之壯麗者與予為之名曰安濟而記其緣如此張澍纂

並書

兩座橋光緒二年知縣張那鈞十三年知縣譚西慶先後飭紳民劉政高等培修

小石橋在武廟前光緒五年知縣瞿樹蔭飭紳民劉政高等培修

永定橋在城東三里同治十年知縣龍錫光飭紳民培修石溪橋在龍橋鄉舊有橋圯光緒

二十三年章飭解結寺首士蔣禮安等建修高拱可觀

鎮螭橋在龍橋鄉

鎮平橋在三坡路光緒二十三年章飭紳民胡欣劉定彩等創修以兩磊石作基巧若天成

章書字泐石

觀音場鐵鎖橋在龍溪鄉光緒六年知縣張繼曾飭紳民共修序附

竊惟修理橋梁平治道路此政治之所關司民牧者宜引為己

任非徒談因果福報也然而詩云自求多福人果樂於為善其福報自有歷歷不爽者屏地之西有龍溪鄉溪水出焉發源於石碑坳以上盤旋數十里由箭板場會入大河此水為鳳鳴龍水沐川及外八鄉等處必由之道其路由溪中涉水而過往復十餘次出觀音場由觀音場下則為五道河冬間架木為梁尚屬可行至春夏之際山水徒漲其中怪石鄰鄰勢甚險惡行人至此有阻水至十旬半月者然猶不至大為患也又有行至溪中上流溪水奔來猝防不及頃刻人與行李俱歿久為鄉民之患予兩次因公下鄉詢及鄉人為惻然久之即欲擇地鑿路以通往來適龍溪紳士談及有附近王紳熙廷每欲倡首為開路建橋計以功程浩大不果予喜王紳念切民瘼尚先得我心當於遍歷各鄉時與鄧紳承恩陳紳有恩等談及此事僉稱此水為患甚巨見鄉人苦甚願同心協力共襄義舉可見好善之心人所同具惟查新開道路

屏山縣續志

卷下

營建志

關梁

十五

文華印字館代印

依山傍水約三十餘里培修舊路亦二十餘里並於觀音場上廟建造鐵橋需費千金功程頗大非一足一手所能及不得不借助紳糧予素聞善則喜事在必行除捐廉並代設法籌款擇期興工外伏冀各紳糧衆心一舉集腋成裘以襄厥事將見蠶叢關就羣木擁來雁齒橫排亂山低去永作駟馬高車之兆也夫

小龍溪涼橋長四丈有奇光緒十四年知縣譚西慶會同平安營都司劉鶴年監修

迴瀾橋在沐川鄉嘉慶十九年知縣張澍飭修記附

沐川司去縣治二百里而遙研井溪去沐川三里而近谿舊有橋頽圯者數季矣駕權以渡塗旅病

之每值大雨時行山濠鴻發迤迷津望洋裹足予履任後頻過其地睇略徇之支離憐揭厲之桀黠捐俸倡先我民助臂無蝕無礙戒飭董吏鑿石峻作不月告戒長虹臥波衝溢砥平在昔辟惠宰彭堯虹濟衆崔亮刺雍州攻木利人皆能坐意與梁符於仁政若李久造七星灌乃田畝王周見覆租車引為已咎雖古烈之難期實余膺之所服也爰記始末以詔來者

汪家壩鐵鎖橋在利店鄉為大小龍門水所經流舊有石橋圯光緒十三年知縣譚西慶集紳民共修

深溪橋在石梁場為屏馬出入衢路舊係鐵鎖朽敗不堪光緒十七年知縣譚西慶會同馬邊同知集衆建修石橋周以石欄行人懽謳樹紀功碑三

東關外官路光緒五六年知縣瞿樹蔭張繼曾先後飭紳民林大豐等修

福延鄉官路同治五年知縣張秉堃飭該地紳民修

樓東一帶官路光緒七年知縣張繼曾飭紳民砌修

平夷鄉橋路道光十三年知縣李長清飭修二十一二二年該地紳王隆恩桂溪司僧分段修砌

龍橋二坡路光緒二十三年章飭修有記附

龍橋坡古無路也有之自今始說者曰舊亦有路失修不知幾何年矣前之官斯士者屢議修築未果予竊考之邑舊為

龍湖路馬湖府凡鳥蒙外微即今雲南昭通府屬皆隸焉則無論河南北擇其地之較平易者修砌之以為路皆有以宜民今察雲南路自石溪以上石板平鋪迄副官村四五十里間俱寬敞可由經久不磨滅知當日功程浩大必合龍湖一府之力乃能集事自 國朝雍正初劃河以外隸雲南河以內隸川則有分土即有分路遂指之曰此雲南路也非四川路也永善分縣因據為己有焉我屏既失其率由之路以一邑之大人民之衆出入於鄰邑之門戶諸多未便則不得不反求在我積思生奮積奮生境遂疑河北龍橋坡之為舊路不知此特猿鳥所游棲樵夫牧豎所踣跡幾見有行商過客從而問津者不然遵道遵路縱有偏陂亦應苔岑履齒之留何荒山滿目耶則其並無路也無疑予以光緒丁酉歲來宰斯邑下車伊始問民疾苦咸感然於茲路之不通待修有年予問需款幾何約千餘金予曰第修之經費吾自担任又以夷匪不靖運道攸關益不得不急從事紳民聞予言而忻然咸各父率其子兄勉其弟相與鳩工集事不兩月路通緣山崖為行徑高絕處以石磴梯升上干雲霄斷澗則架石條為梁穩固如天成其亂石碎砌朽壤之翳蓄一律闕除攘剔之以底於平計數十里寬四五尺不等吁勞矣然化險為夷門戶洞達負販上下無浮溺顛墜之虞於是僉歸德於予予不曰然剝盡而復者天之理也鬱極而通者人之情也屏既以河為界向無門戶今斯路門戶也由堂與以撥關之固人情物理之常予豈有力於其間哉所望後之蒞斯土者督飭邑士庶相與培修盡善永存利濟焉則幸矣斯役也需錢五百緡有奇計工前後數閱月為石級石磴石板路四百餘丈成木石橋各十餘處耆老彭錫璋董其事武生胡欣蔣禮安團民劉定彩陳福興胡玉亭等經其工汎官呂君海坪創謀履勘者再平夷鄉保正王隆恩亦與有議焉爰攝顛末鐫諸石以志不忘

屏山縣續志

卷下

營建志

關梁

路道 十六

文華印字館代印

碑坊

龍溪鄉路嘉慶二十五年知縣李長清道光二十五年知縣徐錫金咸豐元年知縣黃漢章

光緒六年知縣張繼曾先後鳩集二十餘鄉紳民共修

安家山路光緒十六年知縣譚西慶會同達字副前營萬統領改修

木房坡路在羅伍鄉為隄為馬邊出入要路光緒十一年知縣譚西慶會同副前營官弁督修

修

修書院碑

膏火碑

賓興小引碑字均沒

知縣黃漢章德政碑在東門外咸豐五年建

大都謂公江右孝廉也來宰馬湖兢兢以教養為先歷兩任焉愛士如肉疾惡如仇玉壺冰鑑故政有餘閒案無留牘除

奸則夷保伏辜詰暴則匪徒立斃匪特此也範圍學校敦勸農桑警愚氓則導以格言剔利弊則運以精心寬以濟猛猛以濟寬馴至門庭肅靜胥役奉法豪門貴族回敢恃勢而凌人刀筆弄文愈矢懷清以利已其修城郭請平安營籌邊也而以撫字寓之云云未詳何人所撰

知縣周錫齡德政碑在東門外咸豐六年建邑舉人聶鍊撰

嘗讀幽風九詠之詩竊羨東人喜見周公更致願力之意何愛慕無已也其首章曰

我觀之子衰衣繡裳謂公非常人寄跡於此猶大魚之屈就小罟其次章三章曰於汝信處於汝信宿謂公順時而動隨遇而安苟去將不復來耳夫名位之崇卑雖殊盛德之感人則一東渠周公早制蒲鞭暫權花縣如鸞棲枳伴鶴鳴察以我屏瘠苦之區沐我公仁廉之治祥風善氣洽於人心固有不朽者在奚用虛文相市雷同貢諛為且美不勝書終嫌望漏吾儕亦第禱而祝之歌而舞之千萬人若一口焉載道之碑豈得今日建哉然而傳留循吏誦聽輿人惟泐記以貞珉即名垂於史乘今夫吏治之隆也莫亟於勤民依尤莫要於培士氣屏邑屢遭夷患久病瘡痍重以凶險類仍徵兵過境撫字之策供億之需有非尋常所能支者公自下車以後燧燧無驚益復履念籌邊計謀保聚所以與民休息政簡刑清時和歲豐安居樂業凡有經費無累及民庭樞早懷於懸魚門丁亦防其醜蠹苞苴悉絕胥役都清至於考試必嚴公明並用文經武緯真材蔚起於鸞芹鑑空衡平英彥騰歡於烏藻但使身居學校即被春風若逢事逮高年定寬夏楚且也冰融雪釋牘無留矣陰被陽開心無執矣劉錢不選勤險備矣偃室如遙奔兢泯矣儀範溫如圭璧而鋤姦懲暴惕若秋霜經濟本於詩書而立法知恩化如膏雨每當公門似水花落詎庭亦時召二三父老詢民疾苦共話農桑汪汪千頃之波靄靄四時之氣謙光下士平易近人遐邇畢蒙其德輝賢愚共欽其雅量所謂風光月霽雖古人無以過焉吾聞雍州形勝實數寰中玉映靈山瑞毓麒麟之洞泉疏漢水家居廉讓之間跡其別珂鄉宦京邸服官猶然服古仕優等於學優乃虎帳之分符忽牛刀之小試良以上游器重俾濟時艱不然居非其所比跡鴻飛邊渚鴻飛邊陸東人之頌周公者將母同自客秋蒞任瓜代已周行見大吏褒其賢能奏聞 天子得廉其績必將有鶯柯之擢黑頭三公轉瞬間事屏之人莫不截鏡攀轅有奪我公之憾雖復歌來暮碑去思於公乎何有即公之勳名又何可勝頌哉茲值八月朔日甘露下豐之辰為我公懸弧令節暨碑以志不忘公之神明即與金石不刊矣奚止召棠邨黍可以比方遺愛耶請為誦九歌之末章曰是以有衰衣兮無以我公歸兮屏之人欣仰無極眷戀靡窮者亦一東人云

知縣張繼曾德政碑二一在富榮鄉一在書樓鄉一在龍溪鄉光緒七八年先後建均邑教職宋元樞撰

富榮鄉碑記 古之善治蜀者文翁而外武侯李相尚焉其重農桑興學校建籌邊樓千百年來膾炙人口然能繼其志者卒鮮邑侯省吾張公殆庶幾乎公以名孝廉來撫吾屏下車伊始即以興利除弊為急務不數月

屏山縣續志

卷下

營建志

碑坊

十七

文華印字館代印

政平訟理閒遊覽邊境凡與雷馬接壤處可控制夷者皆修堡以截之嗣奉官太保命籌辦積穀來吾鄉見林密菁深烟戶散漫問何以若此眾以道光咸豐間遭匪蹂躪對而猶不至靡有子遺者寨堡之力也公曰是地為城北咽喉宜建大堡以為重鎮爰擇於大樹巖建閣一座屋四楹倉三間小學舍三間圍墻百餘丈周匝種桑柘萬餘株自冬及春工竣試登閣而望玉峯當前金庭及錦屏遮後大小兩溪環於下巖踞高扼要勢如建瓴農桑之利鄉校之興豐凶之備咸賴於此是一舉而三善備焉而後知公之惠我鄉人者遠且大矣後之生斯地者父教其子兄勉其弟務飲和食德習於正弗納於邪常則安居樂業變則老幼有所棲止而壯者得以奮其忠勇之氣為城北捍衛其保全豈僅一鄉已哉贊曰官司之設與民相依善則民樂否則民離惟我張公恭敬仁慈定之方中物其土宜饑為之食寒為之衣青苗蠲國常平救時雖奉上意行而宜之為民父母作土之師居使人化去使人思古之良吏孰美於斯

書樓鄉碑記 大都謂公聆慈訓案多平反花萼相輝芝蘭競爽公餘出巡建碣堡修橋路百廢俱興而於學校尤加謹焉葺書院設寶輿籌卷費建文筆塔獎勵風教培人才謂與薛文清公有合云云

觀音場碑記 庚辰夏六月司馬張公省吾攝篆屏邑屏巖邑也治西要距城五百餘里與犍為龍馬接壤皆一徑通焉出西門三十里上石碑均有關可一夫當之自此而下叢岡沓嶺路益崎嶇一溪奔放湍流澎湃

必由之徑人咸苦之秋八月公適經此目觀其艱惻然矜憫思所以弭其患乃因紳耆謁見而屬之曰此路不更終為民害茲將舍其迂而就其直其某險而從其易若能相與有成乎紳耆王君希廷進曰吾儕生斯長斯蓄此願久矣然工大費巨疇敢冒昧從事公曰毋畏事在人為有志者竟成耳即捐廉百金為民倡尅日興工自龍華寺上路循南岸自觀音塘下路循北岸免二十餘次過涉盤大巖三十丈小巖百丈修路二千八百丈有奇建鐵鎖橋一座十閱月而工竣名以凌雲橋公之意蓋欲屏士之干青雲而直上也故添培小學資助資興重建書院待士亦何厚歟匪特待士也種桑柘十萬株修寨堡三十餘座墾荒田千餘頃俾寒者衣饑者食居者得所待民亦誠不簿匪特待民也屏地素遭夷害自咸豐間招撫後時出蹂躪公恩信素招頭目來城傾心向化更寓撫於防年年不犯屏境且於沙壩子稟請設隘屯兵為久遠計言忠信行篤敬蠻貊之邦行矣公之謂乎夫州縣臨民箠楚之下何求不得往往有藉辦公以毒民者斂民而民怨刑民而民益怨茲何不待驅賈客者開頑者化踴躍輸將爭先恐後集巨萬金之款成千百年未了之緣民之服教畏神何

速哉保赤之心誠而瘠土之民義也吾見橋路落成熙來穰往歌於塗休於樹父老子弟扶杖而遊此蕩蕩平平而公始終無幾微德色雖磨東山之石以侈不朽於公何有惟夫規畫之詳金粟之費工役之度使寂寥無述來者莫考是無以永邦人之賜於無窮也用勒貞珉以詔後世俾無忘今日云

知縣譚西慶德政碑在東門外光緒二十一年建邑拔貢聶屏熙撰
光緒二十一年邑侯譚公卸屏山縣篆任涪州去之日屏人扶

老耄幼饒公於東郊莫不咨嗟太息曰好官去可惜有鑿轅臥轍留者公亦眷戀吾屏徬徨不忍遽去舟過福延鄉耆之遠送者猶諄諄誥誥於此見公愛民之深憂民之切而待屏人以仁厚之道也康誥曰如保赤子心誠求之公雖往也而厚愛吾屏之意若慈父母之保赤子雖暫釋保抱其心終耿耿不忘然則公不忘屏我屏人能一日忘公也耶不書其實政刻於碑其何以遵召伯之教繫甘棠之思哉公名西慶字堯臣山東歷城人以京秩補四川榮昌縣知縣歷成都宜賓馬邊雷波廳縣事甲午來宰吾邑下車之日即訪求閭閻疾苦慨屏民俗彫弊奮然思振興之於是崇教化賑流離育嬰孩積儲聚凡所以裨益民生者靡不勵精圖治以底於善會遠鄉秀民煽惑聚羣不逞之徒倡為亂勢張甚公諭以禍福待以至誠不戮一人而亂定議者謂是役非公實來其禍有不可勝言者與誦稱萬家生佛不誣也屏山與雷馬接壤夷匪出入靡常邊民苦之公請於大府條陳其機宜指陳其得失 上憲聽公策以唐軍門移鎮屏邑為居中控制之勢軍門者夷所畏也嘗以一旅斬賊夷數千獲牛羊器械無算而雷波馬邊又得軍門麾下駐防使之不敢窺伺民由是耕市不驚得安其業邊疆光景勃然不變而每歲夷人之至吾屏輸誠者公悉賞以金帛曰攻心為上古之訓也臨之以兵則知畏賜之以財則感恩旨哉斯言非盡心民瘼者烏能言之深切若此詩經以四言美召公夫南國一隅耳以召公豐功偉業彪炳寰區獨於甘棠一詩令人莊誦迴環而不能自己無他蓋恩德入人之深所以播之歌詩者情真而語摯耳審是我則屏邑之不忘公也固宜爰系之以詩曰穆穆譚公生長山東策仕屏邑清明在躬歲在甲申珠米桂薪加以夷患百姓不親 大吏訪聞惻然心驚迺命 公來改絃而鳴布德行惠不敢怠違內安億兆外籌邊防不三五年頓易從前夜無犬吠民安食眠漢有文翁宋有張詠合公而三口碑滿路未幾卓異上達 天衢晉階郡守為牧巴渝餞飲東郊艤舟巴江渚屏人稽首公我父母公謂屏庶各安爾常春爾條桑秋爾滌場公謂屏士努力青雲母荒母怠業廣維勤吁嗟乎公升黃堂心在此邦盛德至善民不能忘

屏山縣續志

卷下 營建志

牌坊

十八

文華印字館代印

東門牌坊嘉慶五年知縣金維熙創建趙士愷序銘

予至屏山泊舟東門外見大橋之西有亭亭特峙氣象鮮妍與城闔相輝映者予詫而異之邑人告

予曰此前任金公所捐俸而創建者也予仰 而觀俯而歎曰此公烹鮮政績聞於 鄰封久矣不意其細大不捐且至於此惜乎其治一鄉一邑耳豈牛刀之一試乎爰不揣鄙陋而銘以紀之曰此坊亭輝映城闔龍迴鳳嶺鼎峙而均顏之以額東西燦陳龍湖古郡標題有因福匯金江庇賴無垠用表道理指示迷津往來行李大路可遵賢侯之德奕世猶新

節孝總坊在東街考棚外光緒七年知縣張繼曾勸飭紳民公建

詳士女表

直孝坊在利店鄉光緒二十三年章飭宋姓建

附案略邑宋姓媳李氏字婉容都司馬邊李某女也少嫻姆教長而婉婉好讀書解文理尤長詩詞嫁未及笄

服毒自盡死臨訣先為書慰其翁姑及父母使母校量慘傷又諄諄勸其夫孝以事親誠以立身有若從容就義者然而卒莫解其死之何由也既而兩姻搆訟提案就屏予堂判曰死不忘親可謂之孝以口諫夫有類乎直強死例不得請旌可私諡曰直孝建立石坊以慰幽魂兩造遵服衆議僉同予書直孝坊三字又楹聯云直聲獨上千雲漢孝思常幽咽夜臺十四字授宋鑄諸石

賦役志

縣境幅隕遼廓山多田少乾嘉以前人民殷富田土日闢自道光末賊匪蹂躪夷患乘之
田土荒蕪丁糧不齊而正雜攤派有加無已亦今昔之殊也續志於左

戶口 征解 領支 倉儲 義舉

舊志承糧花戶四千三百一戶自乾隆四十三年以來久未編查今據糧柱五千五百一戶
據光緒二十一年散給門牌冊共四萬零五百戶府志屏山戶二萬八千六百一十男女口
八萬八千二百六十五

舊志上中下田地一千三百三十八頃四畝三分八釐共徵丁糧三千四百二十四兩一錢
六分七釐今未清丈亦乏卷稽額徵地丁正銀三千四百五十一兩九錢六分三釐加一五
火耗銀五百一十七兩七錢九分四釐四毫五絲 原徵田房稅契銀八百十四兩一錢六
分八釐光緒二十二年奉文加增銀五百兩 卷查光緒十三年奉文預辦捐輸銀五百兩
邑舉人周世縉稟免一年繼仍照派二十二年奉文加派銀三百兩共八百兩 額行水陸
引張徵銀猶舊先年加羨截銀三百八十五兩八錢四分五釐六毫光緒四年奉文提歸官

屏山縣續志

卷下

賦役志 戶口 征解 十九

文華印字館代印

運每年商人由局起鹽行銷按月分局來文核其價值 額行茶引五十張隨引照票五張

共徵正稅羨截票息銀三十五張零五分隨同引張由商自行申繳 以上每年申解各台公

費五十一兩又幫站銀四兩八錢桌轅駟站冊費銀一兩零三分二釐遇閏一兩一錢二分

每年攤解科場木植銀十六兩六錢六分六釐二毫經費銀六十七兩油燭銀六兩六錢

六分六釐 三年攤解主考程儀銀二十兩 攤解陰陽學銀八兩 每年應解桌轅書禁

公費銀三十二兩秋錄公費連補平銀七兩五錢八分零七毫五絲五忽 道光二十九年

奉文每年攤解省城閒員幫費銀十兩由廉俸項下扣除 咸豐九年奉文每年攤解省城

施粥銀五十兩由請領役食項下扣除 同治三年奉文每年攤解府差員幫費銀六十兩

光緒九年奉文每年攤解職局薪水銀二十兩 光緒二十一年奉文每年攤解府經歷薪

水銀二十四兩 泥溪土司蠻夷土司平夷土司沐川土司三年每年應納貢馬一匹折銀

八兩今查未繳 新降生番根兒家石涂家三年每應納貢馬一匹折銀八兩二十一二三

年貢馬提款墊繳 雲南洗馬溪地官本乾隆三十五年瀘州州判阮樹價買嘉慶八年會

經採辦楠木嘉慶十年立案每年秋收後各佃赴縣呈繳租銀十兩五錢由工房繳申藩庫

附案原始該處人民袁義等看守楠木耕種餘地每年認納租苞穀廿三石以六石給作佃戶工食餘苞穀七石每石折價銀一兩五錢每年秋收徵齊批解成豐十一年及同治元二三四五六七年因亂欠官租銀八十四兩未解以後歷清無欠 舊志有銅鐵稅自縣境離亂後廢業拋荒稅止今漸有試辦查無成效仍未升科以上雜款

舊志原編祭祀銀三十二兩今加銀三十三兩二錢 知縣一員全年俸銀四十五兩疊扣實領銀三十五兩七錢五分養廉銀六百兩舊例疊扣實領銀三十六兩六錢光緒二十一年奉文再加三成軍需銀三十六兩儘數扣清

教諭全年俸銀四十兩除扣實領銀三十一兩六錢

訓導俸銀領扣與教諭同 巡檢全年俸銀三十一兩五錢二分養廉銀九十兩除扣實領俸銀二十四兩七錢三分八釐養廉銀六十八兩四錢 典史全年俸銀三十一兩五錢二分養廉銀八十兩除扣實領俸銀二十四兩七錢三分八釐養廉銀六十兩零八錢 舊志廩生二十名今十六名年食廩餼銀五十一兩二錢遇閏加增 縣署各色役食數目如舊志惟監內裁更夫三名連禁卒工食撥歸捕廳領給外計應領銀三百九十兩照扣實領支銀二百五十八兩四錢二分 教雜各官署役食數目如舊志除照例核減外實領支銀二

屏山縣續志

卷下

賦役志 征解 領支 二十一

文華印字館代印

百二十三兩二錢三分六釐 舊六渡水手數目工食如舊志惟舖司二十名全年工食銀四十八兩除配搭減平外實領支銀二十七兩八錢四分 每年隨糧徵收夷務經費錢四千八百緡狗脚卞麻路汎蔡家山三處每年共領燈油銀七十二兩錢一百八十四千各支夷差及堂勇口食均於此項開支 卷查夷餉向在永甯道庫領銀二千五百兩其銀繫各屬攤解後奉文裁免光緒七年知縣張繼曾稟領鹽庫預籌經費銀一千五百兩除減平使費實領銀一千四百五十兩又每年藩庫領防夷經費銀六百兩除扣六分平實領銀五百六十四兩下縣開文

附夷餉紀事今之食餉者曰石圖家庚兒家海奶家孽喉家九曲家阿支家石底家吼

普家水落家蒲車家孽石家孽嘩 家孽哦家坭納家巴那家共十五家為原設千戶十名曰坭雀曰羣孃曰石耕曰哈車曰樹曰根曰孽普曰格租曰樹布馬馬曰玉簪為原設百戶十名曰木牛曰吁茲曰玉甲曰鐵喬曰華大曰使租曰呢羅曰老四曰黑達曰千千續增千戶二名曰挖曲曰挖支續增百戶一名曰華大共二十三名其坭雀羣孃石耕挖曲屬石圖家吁茲挖支華大屬庚兒家樹布馬馬屬石底家玉簪木牛屬吼普家哈車華大屬孽喉家餘海奶樹根九曲孽普阿支格租水落玉甲蒲車鐵喬孽石使租孽嘩呢羅孽哦老四坭納黑達巴那千千俱一家一餉此其大較也傳言石圖石底庚兒為一家孽哦孽嘩凡孽字者為一家又言語不通音義乖訛孽喉或為嘔候孽別或為捏別業別水落或為水陸石圖或為石七石涂之類指不勝屈在臨事者以意審之而已每年每千戶食銀三十二兩百戶二十四兩原設夷兵二十九名續增四十四名又增三名共七十六名每名食銀十二兩計銀一千五百六十兩由鹽庫具領銀一千五百兩每次賞需緞疋布疋毋慮數百件加賞銀兩及酒肉盤費約費銀二千一百兩有奇噫斯皆民脂民膏數十年來掘羅以供狡夷之壓飲者也光緒二十二年前縣張公筠亭愴於該夷之邀價命價稟准添百戶五名藉資控馭未幾擾如故其明年夷因統領接換益思大逞予廣設方略糾練團丁堂勇抵禦並將前餉概停不發該夷懾服卒無如我何轉較往年清靜則夷情安肆不在餉之加與不加可知也然已許者不可復減嗟此民生何堪

復剝削以供逆夷之饜饕爰檢殘卷得悉光緒四年食餉者僅石圖庚兒兩支千百戶五名連夷兵共賞需銀五百兩厥後各支夷傾巢出犯七八年間前縣張繼曾任內海奶豕十二支先後借投誠以索餉始稟准增千百戶十二名繼此遞有增益有司惡寇之存貽爲口食遂並其籍而削之半無所致故查光緒十四年以來千百戶已如今數或指爲十二支十三支十五支卒莫窮其派緒今益以張公所添之百戶五名餉愈多而爲患無已民不聊生可勝慨哉可勝慨哉知縣事山右張九章撰

常平倉額儲京斗穀九百一十八石三斗監倉京斗穀三千零六十石七斗歷任盤短繳銀備買計實儲常監倉京斗穀三千一百八十六石八斗六升 藉田先年儲京斗穀五石九斗九升每年收京斗租穀二石零二升祭祀支用如數計實儲京斗穀五石九斗九升 濟田穀自嘉慶二十四年起咸豐八年止應存京斗穀五千六百六十一石二斗八升九合八勺九抄道光十七年知縣錢辦理夷務動碾起至咸豐九年知縣黃防堵滇匪止所有存穀提用無存又三公鄉濟田自咸豐九年起每年收租穀二十六石佃戶積欠及歷任盤短結報至光緒二十二年止計實存市斗穀六百零一石三斗一升七合又前縣譚盤短繳市斗穀票一百二十石尙未上倉計應存濟倉市斗穀七百二十一石三斗一升七合又佃戶郝錫昌積欠租穀新佃郭月鄉代繳錢百五十千抵租買穀上倉前佃揭清二十三年收租二十六石實存在倉 石角營巡檢署經管中都濟田穀每年應收租穀三十二石自同治五

屏山縣續志

卷下 賦役志 領支倉儲 一一一

文華印字館代印

年以前起至光緒五年止實存市斗穀三百七十七石零七斗五升又歷任盤短佃戶積欠至光緒二十二年實存鄉市斗穀六百九十六石由巡檢督同倉正經管詳報又上年修倉變穀十石零一斗仍飭巡檢填補又追佃戶莫如皋租穀三十七石零三升又扣收穩佃共錢一百八十串以三千七百合價買穀填倉又修倉變穀四十石分作十年彌補 社穀舊儲京斗穀四千四百零四石五斗三升自道光十七年辦理夷務動碾起至咸豐九年防堵滇匪止動用無存 籌邊穀同治十一年買儲市斗穀一千二百石後知縣瞿因公

動用至光緒二十二年實存市斗穀八百零八石二斗二十三年因夷務兩起動用市斗穀四百一十石變價買軍裝實存市斗穀三百九十八石二斗 積穀光緒七年知縣張

繼曾奉文勸辦共京斗穀一萬三千零七十四石三斗五升案附

龍橋鄉東地存京斗穀六十六石九斗三升西地存京斗穀五十五

石七斗七升

三公鄉存京斗穀三百零三石一斗二升除提修倉京斗穀十八石一斗實存京斗穀二百八十五石零二升

富榮鄉存京斗穀五百八十二石

福延鄉存京斗穀四百四十三石三斗二升除提修倉京斗穀二十六

石五斗實存京斗穀四百一十五石八斗二升

書樓鄉前山存京斗穀二百八十七石零四升後山存京斗穀八

石九斗八升又後山存京斗穀一百六十八石七斗三升又後山存京斗穀二百一十八石二斗五升

地存京斗穀二十三石二斗八升下地存京斗穀一百八十六石一斗二升

王家鄉存京斗穀二百三十二石八斗

七升

岩門鄉上地存京斗穀二百三十七石零一升中地存京斗穀二百五十二石二斗下地存京斗穀六十五石四斗

平夷鄉上地存京斗穀一百七十二石三斗九升下地存京斗穀二百九十一石 秉彝鄉存京斗穀一百

八十七石二斗一升 石角場存京斗穀五百二十八石五斗一升除提修倉京斗穀三十一石七斗實存京斗穀四
百九十六石八斗一升 胃水場存京斗穀三十一石四斗二升 中和場存京斗穀八十七石五斗三升 豐
溪口存京斗穀七石六斗一升 中都鄉上地存京斗穀九十四石零九升又上地存京斗穀一百石零一升中地存
京斗穀二百一十八石八斗三升下地存京斗穀一百零一石六斗六升 富庶鄉存京斗穀一百九十六石七斗三升
春和鄉存京斗穀四十三石六斗五升 龍水鄉上地存京斗穀二百二十四石零七升下地存京斗穀四百七
十七石二斗六升 龍水鄉雙河場存京斗穀二百四十六石一斗八升 底寶場存京斗穀五百八十二石六斗
四升 雲台山存京斗穀二百九十三石九斗一升 半邊寺存京斗穀五十三石三斗五升 茶園寨存京斗
穀三十一石三斗八升 迴龍場存京斗穀二百零一石二斗七升 德成鄉上地存京斗穀二百零一石六斗六
升下地存京斗穀一百三十五石八斗 香雲鄉存京斗穀九十八石四斗五升 沐川鄉存京斗穀一百八十八
石八斗五升 茨蕪鄉存京斗穀一百六十五石七斗 中和鄉存京斗穀三百三十二石七斗 史村鄉存京
斗穀二十六石三斗八升 仁厚鄉存京斗穀六十一石九斗九升 新沽安鄉存京斗穀二百零八石零八升
大村鄉上地存京斗穀六十五石六斗七升下地存京斗穀二百七十四石二斗三升 羅伍鄉存京斗穀一百
二十石零三斗一升 羅伍鄉存京斗穀一百一十六石二斗六升 富和鄉存京斗穀六十五石八斗四升
李村鄉上地存京斗穀一百三十一石四斗一升下地存京斗穀二百五十二石五斗八升 仁和鄉存京斗穀七十
四石一斗二升 石堰鄉存京斗穀三百三十二石七斗三升 黃丹鄉上地存京斗穀八十六石二斗一升下地
存京斗穀一百三十七石九斗二升又高灣存京斗穀二十二石二斗九升 大村鄉存京斗穀七十一石零五升
鳳村鄉上地存京斗穀六十四石四斗三升下地存京斗穀四十一石一斗四升又東甲存京斗穀八十三石九斗又
西甲存京斗穀四十一石三斗一升 瓜灘鄉存京斗穀一百六十石零七斗三升 楊村鄉存京斗穀二百石零
七斗二升 青龍鄉存京斗穀七十五石四斗六升 利店鄉存京斗穀三百零二石零五升 榮丁鄉上下西
甲存京斗穀二百九十石零四斗五升又東甲存京斗穀一百一十七石三斗三升 榮丁鄉上下西
養濟院額收孤貧三十四名每月給錢三百同治十一年典史韓永聰加六名口食如
附案福建書樓王家李村魚子泥黃丹富和龍水等鄉各有公業本城後坡公
業數段每年共收租錢一百六十餘千之譜向由捕廳經理遇閏由捕廳捐給

屏山縣續志 卷下 賦役志 倉儲 義舉 一一一 文華印字館代印

普濟堂額收孤貧二十二名月給口食錢二百倉房經理 其款出各場斗息舟壩場三石樓東利店兩
場各二石胃水場太平場大乘場各一石六斗龍華場一石四斗箭板場黃丹場沐川場各一石二斗榭栗場復興場五
聖場福興場財興場福延場迴龍場各一石五間房場羅杯場各八斗鴨池場東興場炭庫場各六斗雙合場五斗計收
租折錢一百六十千有幾又龍水鄉鄧
福彥四捐田業一股歲收租錢四十八千 勵節堂議收城鄉節婦二十一一名每月給錢五百紳糧經
原案張前縣捐錢五百千文王氏捐祿旺溝田業二股半孟氏捐當業一股陳李氏因訟捐鄧家岩田業一股不果現戶
房存捐項錢四百千年利錢八十千憲姓利
四 租錢七千八百文王氏業年收租三十石 育嬰局收養幼孩三十名每月給錢五百序附 情非出
於萬不
得已未有不愛其身之骨血棄而不舉者計舉之而乳哺無資顛連困苦且與呱呱者同歸於盡反不如其勿舉始忍心
害理迫於萬不得已遂以極親愛者折棄而不顧於是生之道絕而人類或幾乎息西洋人入中國倡為收養幼孩之
說設立教堂到處招搖卒之所收養未必彰明較著而各省不逞之徒煽為挾晴之說攘袂羣起而與為難則教案迭
出中外相持收養幼孩之福視不收養為尤烈我
皇上念切民生飭下各直省府州縣通議育嬰大吏
望風旨肅札所屬一律舉辦邑前分山左譚公堯臣奉行惟謹經始於光緒十三年暨十七八年九年措置乃有端緒計捐
募各鄉銀一千五百兩有奇因案捐繳錢又六百兩在署左頭門東偏建堂一所若干柱上覆以樓臨於街衢巍然可望
需費七百兩有零實存本銀一千四百六十兩樓東凌借用銀四百兩戶吏用銀一千零六十兩生息九釐及分二釐不
等譚前縣又自捐錢百兩存房年收利十千每年共收利銀錢二百之譜支給乳媪錢一百九十餘兩每名五百按月照
給五年滿開除其書差等費約二十餘千三四五月間就堂中開設牛痘局種痘醫禮銀三十六兩擇妥紳經理由禮房
核銷計活窮民子女無算此其大較也夫當其創設累七八年萃三十六鄉之力苦口相勸集腋成裘始臻此美舉亦頗
費經營矣今每際月朔乳媪負其子若女或他人子女來領月食欣欣皆有喜色如以諸其杼柚而莫予告匱則涵育
於 國家生生之盛化與沐譚公救民於萬不得已之苦衷因以名其子而食其德而德之及民者亦將食報於後人也
知縣張 馮陳渡在二公鄉雍正間知縣馮又興典史陳基仁捐置渡田一業渡船一隻每年
九章序

收租錢一百零九千五百文作渡夫食用 洪水渡義渡在西門外光緒八年知縣張繼曾

任內縣民周代友捐業一段年可收苞穀租二十餘石設渡船二隻作渡夫食用

節鈔稟稿
擬設洪水

義船二隻以半年為期每日在泥溪灣碼開渡不准取百姓分文逢二五八場期往來行人甚衆義船二隻不敷過渡另
顧民船四隻名為場期義渡船合義船共六隻每船一隻只准載十二人違即重究工資口食由義渡款項開銷計義渡
船二隻月需錢十六串場期義渡船一月九次月需錢十六串每月共錢三十餘串五月初一日開渡十月底止渡以兩
業每年二百串款項作半年義工食尚
屬敷用以上三渡均由戶房經理支給 龍水鄉乾欠口渡船一隻渡業一分坐落龍水鄉灣沱契存

房戶 福延鄉渡船一隻槲栗沱渡船一隻均有渡業給食渡夫 義塚早年置望龍山地

土二分契存戶房

屏山縣續志

卷下

賦役志

義舉

一三三

文華印字館代印

祠祭志

舊志壇廟入建置寺觀入雜志茲統歸祠祭而以載在祀典者列於前凡乾隆四十三年後建置者悉著於篇

大祀 中祀 羣祀私祀附

屏山祠祭載在祀典者大祀一曰

社稷壇嘉慶四年知縣金維熙補修

知縣敬大科撰碑序維社與稷自

朝廷至於邦國莫不有壇而春祈秋報靡不恪謹將事凡以成民也典綦重矣其壇丈尺有準向背有方階級有辨要必擇乎騫崩無患之所乃不虞其潰敗屏邑之社稷壇向在東郊然背水面山巉巖峭壁一遇大雨時行則山水冲刷其勢莫禦况壘土為垣能保其無潰敗耶非謀以不朽之計不可嘉慶己未秋仁圩金公以足疾乞休予來署察聞仁圩於茲慨然曰此能奠安九土粒食萬方者也其有功於民也甚鉅國之大事在祀與戎是不可以不修因相其地勢審其機宜爰召匠民而命之曰若者宜石若者宜磚必剴確實窪必決壅浚渠庶幾可以不朽計工數月壘壘為之一新觀者莫不歎今而後可免騫崩之患而不知良工之心苦為何如也予拜跪之餘周覽其制見布置之合宜想經營之慘澹不禁低徊者久之特無由以表彰之耳乃仁圩以今秋 恩准回籍東裝之下屬序於予予故樂為之序而銘之曰惟茲社稷僅奠以壇雄關左抱大路前盤龍山巖巖湖水瀾漫層巖天際峭壁雲端橫汗行潦衝決非難砌之以石庶免摧殘登之以甃匪獨壯觀水滂不害壘壘如磐既無潰敗人樂神歡誰歎修者邑侯金公之所完 中祀三二一曰 先師廟亦曰文廟嘉慶五年知縣金維熙

修廡路牆門十三年署知縣陳作琴光緒十六年知縣譚西慶培修

國朝從祀東廡 先

則公孫僑

咸豐七年從祀

西廡 先賢則公明儀

咸豐三年從祀

東廡 先儒則毛亨

年代無致受詩於荀卿以授毛萇同治二年從祀

許慎

東漢人光緒二年從祀

陸贄

唐天寶十三年生永貞元年卒道光六年從祀

謝良佐

宋元豐八年生與時楊時同稱程門四先生道光十九年從祀

李綱

宋元豐六年生紹興十年卒咸

屏山縣續志

卷下

祠祭志

大祀 中祀 二四

文華印字館代印

豐元年

文天祥

宋端平三年五月二日生元至元十九年卒道光二十三年從祀

方孝孺

同治二年從祀

呂枬

明成化十五年生嘉靖二十一年卒同治二年從祀

劉宗周

明萬曆六年生

國朝順治二年卒道光二年從祀

孫奇逢

明萬曆十二年生國朝康熙十四年卒道光八年從祀

張伯行

國朝儀封人諡靖恪光緒五年從祀

西廡

先

儒則劉德

漢景帝子封河間王諡曰獻光緒四年從祀

韓琦

宋大中祥符元年生熙寧八年卒咸豐二年從祀

輔廣

朱子門人光緒六年從祀

游酢

宋建州建陽人光緒十九

年從

袁燮

宋鄞縣人諡正獻同治七年從祀

陸秀夫

宋端平三年十月八日生元至十六年卒咸豐九年從祀

曹端

明洪武九年生宣德九年卒咸豐十年從祀

張履

祥

明桐鄉人同治十一年從祀

陸世儀

國朝太倉人光緒二年從祀

呂坤

明嘉靖十五年生萬曆四十六年卒道光六年從祀

黃道周

明萬曆十三年生國朝順治三年卒道

光五年

湯斌

明天啓七年生國朝康熙二十六年卒道光三年從祀

崇聖祠東配

先賢則孔孟皮

咸豐七年配饗其

列聖欽頌

大成殿題額一曰聖集大成

嘉慶四年題

一曰聖協時中

道光元年題

一曰德齊疇載

咸豐元年

一曰聖神天縱

同治四年題

一曰斯文在茲

光緒六年題

一曰

關帝廟亦曰武廟嘉慶五年

知縣敬大科道光十七年知縣錢忻和同治三年知縣沈之彥光緒七年知縣張繼曾培修嘉慶十九年 詔於忠義神武靈佑六字外加仁勇二字道光 年加威顯二字咸豐二

年加護國二字是年六月加保民二字六年加精誠二字八年加綏靖二字同治十二年加

翊贊二字光緒六年加宣德二字一曰 文昌廟乾隆五十九年知縣金維熙改修光緒十

年知縣譚西慶重修羣祀四一曰 城隍廟乾隆四十八年知縣趙來震改修 一曰火神

祠同治七年知縣瞿樹蔭改建 一曰龍神祠乾隆四十八年知縣趙來震創修 一

曰昭忠祠同治五年知縣張秉堃建修其祀典所有而民間得以私祀者凡為 先師廟一

在中 關帝廟八 一在縣城東一在縣城北一在兩合鄉一在秉彝鄉 文昌廟十八 一在縣城東一在縣城

北一在兩合鄉上地一在兩合鄉下地一在平夷鄉一在秉彝鄉上地一在秉彝鄉下地一在秉彝鄉團魚溪一在富庶

鄉一曰龍溪鄉上地一在龍溪鄉下地一在沐川鄉一在德成鄉炭庫場一在雲雲鄉一在王家鄉一在榮丁鄉一在福

延鄉一曰兼祀者二一在秉彝鄉曰文武宮 城隍廟五 一在縣城北一在兩合鄉一在平夷鄉 水神祠二一在

縣城西一 火神祠二一 一在縣城西 廟有專祀而民間各奉為會館者凡為 禹王廟一二十八 在

縣城南一在兩合鄉一在秉彝鄉上地一在秉彝鄉下地一在千溪場一在胃水場一在雙溪口一在下溪場一在橋栗

沱光緒二十三年知縣張九章重建有序廟在縣西南百九十里橋栗沱萬山叢雜之中左涼山而背雷黃為夷匪出入

要地不知其創自何年湘湖入共修也歲久浸圯僅存對面彩樓及週圍牆院正殿改建工未就神像被灰塵面如墨東

廟誠為乞兒窟矣予巡邊戾止周覽久之慨然曰斯豈所以尊神禹者乎禹治洪水定九州功在天下列入歷代帝王之

祀自京師迄各省通都大邑春秋致祭罔不崇隆豐潔原不藉邊氓不腆之緒以薦馨香而延俎豆然如此廟貌頽圯

神人維還是敬之適以褻之也惡乎可况祭義有功烈於民禦大災捍 患者則祀之今操夷即古洪水也歲常捆擄百

姓殺戮無辜即目下神姦也禹當日鑄鼎象物百為之備使民入山林魑魅魍魎莫能逢之則其餘烈遺靈疑至今未改

豈僅如世俗所謂藥王殿財神祠徒供鄉民之禱祀乎予竊思屏政以邊防為要邊防以撫夷為先夷不亂華古有明戒

側聞每歲賞夷始在邊陲西甯繼移石角營今則居然縣城矣調賞則羣從黑白二三百不逞之醜虜使之熟我郊保窺

我城郭以豔我內地之繁華而厭彼礮礮其能夷夏相安也與有幾故予飭廟之首人鳩工庇材尅日繕修經費則先捐

廉發公帑以為之倡不數月東西廂房及重樓成若干間可容數百人西北別築軍器庫上建昭忠祠無論軍民等因禦

夷捐軀命者均得立木主於此以慰忠魂其正殿丹刻而勒聖之神像則塗以金身工完凡需錢二百緡有奇每歲藉此

屏山縣續志 卷下 祠祭志 羣祀 私祀 一五 文華印字館代印

作賞夷公所用塞其耳目因憑禹之神靈俾邊氓共知神姦不逢不若如書傳所載祇台德先不距朕行常臨在上而質

在旁也豈不懿歟因顏之曰功美德遠而序其顛末如此一在西甯場一在中都鄉上地一在中都鄉下地九角場一在

龍溪鄉一在新沾鄉上地一在新沾鄉下地一在沐川鄉一在德成鄉一在青雲鄉一在書樓鄉一在榮丁鄉一在利店

鄉一在黃丹鄉一在石堰鄉一在青龍鄉一在龍水鄉上地一在龍水鄉下地雙河場一在巖門鄉一在福延鄉

川主廟十三 一在兩合鄉一在三公鄉一在龍橋鄉一在秉彝鄉上地一在秉彝鄉下地一在中都鄉上地一在

萬壽宮二十 一在縣城東曰撫州館一在縣城西一在兩合鄉一在平夷鄉上地一在平夷鄉下地一在胃水場鄉

一在書樓鄉一在榮丁鄉一在肥婆鄉 天后宮四 一在縣城北一在榮黎鄉 祀典所無而民間相沿

一在利店鄉一在青龍鄉一在福延鄉 一在縣城東一在縣城西一在縣城東曰天齊宮一在縣城西曰天齊宮一

以祀者有奎星閣五 步雲亭又名文星閣道光十七年知縣錢忻和創建光緒二十三年知縣張九章重修訓導

雷龍屨有記碑營建一在東關同治九年和縣龍錫 東嶽廟六 一在縣城東曰天齊宮一在縣城西曰天齊宮一

光由書院移建一在福延鄉場一在大樹石堡內 在兩合鄉一在肥婆鄉一在中都鄉一在鳳村鄉

山王廟一 在富 王爺廟七 一在縣城西一在龍橋鄉新開灘一在秉彝鄉上地一 凡專祀觀音者十

一在縣城東一在秉彝鄉一在鳳村鄉一在富榮鄉一在利店鄉 雜祀諸佛者百二十七 縣城東者二曰萬壽寺

一在新沾鄉一在茨梨鄉一在榮丁鄉一在石堰鄉一在福延鄉 嘉慶七年知縣在李師

曾募修碑引蓋開化城非城至象無象人言火宅詎開祇樹之林世說金仙別具旌檀之號何燈之續不錫而飛有自來

矣然而鵝王偏袒生成示現之峯鵝母拈花繞過應真之井濯龍宮內白馬西來馴虎園中青獅東至此則伽藍昔記摩

訶於京洛寺塔之簷位業構圖徒倚於普門開元之里始亦戒師之恒論而德士所修譚也屏山萬壽寺蘭若善昔那祝

釐之地而鼓洞習靜之區半郭半村亦城亦市帶滇江於浩淼沿印竹而逶迤規曩河之修穹天垂金碧緬靈光之肅穆

地涌河沙六祖以來有車皆鹿五家而往無乘不羊誠變道選佛之場而炎方談禪之闔也所恨毒龍性傲時鱗犀角之

金醉象能狂更湧庭心之水迎陵比翼間之歸真具樹雙行頰成壤色誦到唐相之偈於意云何懺餘無垢之經盡言希

有予頃於公暇周覽近郊喜其引脈疏泉洵為民福歎其旁風上雨或作神羞因允寺僧之請略陳緣起之由使十方知
宰官說法之衷觀咸平等五姓體仁者受施之願德亦無量從此土木經營並瓔絡寶珠而並耀庶幾人天歡喜借法雲
慧日以常照曰青龍寺在縣西者五曰清涼寺曰迴龍殿曰華光殿曰白雲寺曰鎮海寺在縣南者一曰五靈廟在縣北
者一曰南華宮在兩合鄉者三曰太洪寺曰迴龍寺曰五顯殿在三公鄉者四曰目連洞曰白雲寺曰清涼寺曰華光殿
在龍橋鄉者一曰解基寺在平夷鄉者八曰桂期寺曰太平山曰金牙殿曰南華宮曰五靈殿曰萬靈山曰報恩寺曰英
雄殿在秉彝鄉者六曰南華宮曰後山寺曰五靈廟曰寶聖寺曰五通廟曰竹林寺在中都鄉者十二曰南華宮曰解結
寺曰北方寺曰楞嚴寺曰龍山寺曰龍藏寺曰龍池寺曰迴龍寺曰英雄殿曰龍岩寺曰石佛寺曰禮崇寺在富庶鄉者
一曰天台寺在春和鄉者一曰護和寺在鳳村鄉者三曰龍興寺曰桃子寺曰羅漢寺在陽村者一曰五省廟在富榮鄉
五曰朝陽寺曰聖寅寺曰青華山曰天堂寺曰岩翁寺在龍溪鄉者四曰龍華寺曰甘露寺曰石門寺曰半邊寺在新沾
鄉者五曰永福菴曰廣福菴曰永興寺曰老曉寺曰蓮花寺在大村鄉者五曰慈雲寺曰水月寺曰王家菴曰福田寺曰
海會寺在中和鄉者三曰通靈寺曰廣福寺曰解結寺在史村鄉者一曰天台寺在沐川鄉者二曰南華宮曰五靈廟在
李村鄉者五曰福田寺曰五鼎寺曰宗聖殿曰南華宮曰黃龍寺在羅伍鄉者二曰寶杏寺曰白雲寺在羅柘鄉者一曰
龍緣寺在德成鄉者三曰新開寺曰明遠寺曰報恩寺在青雲鄉者五曰石灰寺曰大興寺曰慶元寺曰應廣寺曰心安
寺在王家鄉者二曰古佛寺曰大乘寺在墨池鄉者三曰書袍殿曰雲峯寺曰五靈廟在鴨池鄉者一曰萬福寺在書樓
鄉者五曰鍾勝寺曰花山寺曰文青寺曰寶靈寺曰南華宮在榮丁鄉者七曰團保寺曰天甯寺曰萬金山曰玉山曰
寶華山曰東林閣曰南華宮在肥渡鄉者一曰普會寺在利店鄉者五曰興佛寺曰彌陀寺曰迴龍寺曰騎龍殿曰南華
宮在黃丹鄉者四曰圓通菴曰龍台寺曰壽福寺曰南華宮在石堰鄉者四曰帶寶菴曰進雲寺曰屏峯寺曰中峯寺在
瓜露鄉者一曰海雲寺在龍水鄉者九曰圓通菴曰雲台寺曰因勝寺曰金寶寺曰龍沱寺曰龍福寺曰華藏寺曰黃學
寺曰半邊寺在鳳村鄉者一曰白雲寺在岩門鄉者三曰金山寺曰淨土菴曰雙峯寺在福延鄉者三曰目連寺曰南華
宮曰萬壽宮 祀佛道者二十六 在縣城中者二曰三官樓曰天宮樓在縣城東者二曰帝主宮曰萬壽觀在縣城北者
在嘶栗沱者一曰三聖宮在流中場者一在曰三聖宮在九角場者一曰榮祿宮在鳳村鄉者一曰三聖宮在沐川鄉者
一曰東皇殿在陽村鄉者一曰三聖宮在秉彝鄉者一曰榮祿宮在下溪場者一曰榮祿宮在龍溪者一曰三聖宮在大

屏山縣續志

卷下 祠祭志 私祀 沿祀 二六

文華印字館代印

村鄉者一曰帝主宮在李村鄉者一曰榮祿宮在青雲鄉者一曰吳家觀在鴨池鄉者一 土人專祀者凡黑為龍
曰三聖宮在榮丁鄉者一曰三聖宮則利店鄉者一曰三聖宮在鳳村鄉者一曰寶上宮
宮一 郡鄉 于公廟四 一在縣城東關一在縣城西 白袍殿一 在兩合鄉 又巫醫百工之人各有所祀如
軒轅廟 在城東 魯班廟 在城中 杜康廟 在城東 藥王廟 在城南 張侯廟 在利店鄉 羅祖廟或專祠或附
祀尤多焉

學校志

舊學校志頗詳百餘年來人爭自濯磨士奮功名藝林嘉惠有加無已世並以增設者著於篇

規條 賓興 義學 膏火 卷結

龍湖書院歷任培修年月詳營建志嘉慶元年知縣金維熙顏文行忠信四字於講堂右十八年知縣張澍顏其堂曰聖經又於儀門顏習性文身四字堂內題聯鵝湖鹿洞規條密虎氣龍文學業新堂前題聯曰圭行壇言願諸生共茂泮修作熙朝棫樸律情厥性看此日羣興蛾術為聖道干城道光十二年知縣吳民兼顏業精於勤四字於堂左

每年春初先攷收錄榜示擇日地方官率領士子上學餘按月課書院向延山長一人主講歲修火錢二百串光緒七年添延經古山長一人歲修錢火一百串提榮丁鄉義學穀十二石冒水場斗市錢二十串不足則由地方官籌補十五年知縣譚西慶捐錢三百串交戶房分六生息每年添攷月課二十二年知縣張賢符力加整頓定為每年八官課月齋課經古課各一次優加膏獎嗣交出銀五百兩章酌提作膏火飭齋長承領交戶房每

屏山縣續志

卷下

學校志 條規

二七

文華印字館代印

月二分生息以一半加作膏火一半撥助鄉會試族費舊監院二人齋長二人齋長經理

收支年終報銷由監院核算立案其租穀銀錢各數目附

萬壽寺租穀十石 三公鄉蕭顯祿租穀二十五石穩錢三百千牟端公租穀

三石 兩合鄉黃登魁各租穀五石共穩銀十五兩黃玉璧租穀五石穩錢三十串牟學鈞租穀四石穩錢二百四十串黃成芳租穀八石穩銀九十九兩二錢穩錢三十二串 青華山廖大寬廖大周廖漢才廖大經各租穀一石二斗五升 福延鄉何培元租穀五石穩錢十六串劉國貴租穀六石穩錢二十串 富榮鄉羅尚義租穀十四石穩錢一百五十串彭永謙租穀六石穩錢六十串 羅柘鄉周洪倫租穀三石穩銀二十兩 周瑞鄉胡文升飯穀六石苞穀三石李光彩苞穀四石 大柞鄉趙世周租穀四石 鳳鳴鄉盧天元租錢三十一串二百鍾四和祥租錢三串六百楊瑞龍租錢四百 澤耳岩黃岐山租錢三串 平夷鄉牟立貞租錢五串 鳳村鄉蘇廷章租錢四串 炭庫鄉張朝楚租銀十兩 秉彝鄉文正字租銀四兩 三台寺江正華顏光祿租銀十二兩 關家溝黃德富租銀六錢 望龍山張元富張元貴租銀二兩王玉明租銀一兩樂廷超租銀一兩 本城戶房利銀一百二十兩利錢四十八串其相地租錢十千零五百兩曼卿地租錢一千五百兩陳穎修胡悅來各地租錢二串鄭洪興房租錢五串二百穩錢十串袁鴻麻房租錢六串陳利賓店租錢七串穩銀一百五十兩穩錢五十串龐洪興店租錢十三串郭東山店租錢十串穩錢三十串楊洪順店租錢九串宋華周光冕各租錢三串張興文李興發彭文宜孫吉太各店租錢五串二百郭龍勝地租錢二串五百任義興地租錢三百二十彭永順地租錢九百六十張裕順店租錢七串聶維周店租錢四串龍兩儀店租錢五串吳德志店租錢十一串穩錢二十串維洪太店租錢十串穩錢十五串吳竹珊蔣中萬地租錢二串聶左卿地租錢二串四百天宮樓黃州館各地租錢一串雷祖會地租錢二串零六十

附縣學教諭陳兆熊重興書院月課序

士先器識而後文藝而欲宏其器識必於文藝之可觀者培植之乃能兼德行文學為一科此各州縣書院課士之法所由興

也龍湖書院經費乾嘉而前無稽焉道光二十年廣文余公以監院董其事做周官月計歲會之法參互攷成俾經理厥事者無積欠濫支侵漁之弊歲計田租之所入七八百緡山長修金出於斯義學出於斯月課之費亦出於斯

行之三十年未聞稍缺有間光緒初夷患迭起官斯土者重邊防而輕文教而課之不講十有餘年矣乙未冬山左張公筠亭宰斯邑甫下車首重文教蓋謂課士關乎民風從未有士習之壞而民風猶美者况月課學校攸關學校不振兩學監院與有責焉因囑予等總其成值年專其責仍做余公已事月計歲會俾積欠者督收之濫支者剔除之侵漁者則稟官以治之庶幾有治人有治法於邑且無難區區書院經費云爾哉明年春爰舉月課齋課每月致校給助膏火加之獎賞十餘年之弊政為之一新為政其在人乎願行之一年而張公旋解篆矣去之日捐金五百交後任裘甫張公隨資公用公曰邑事用之公者孰有重於學校哉將此數分置賓興書院生息益增月課膏火之實則兩公愛士造士先後同揆已荀子曰欲觀千歲則審今日欲知億萬則審一二公之初政若斯他日之作人可知矣伏願邑之士讀書立品爭自濯磨行見文教日興科名鼎盛儲人材以膺 國家之選庶無負兩公教養之意也夫

附縣學訓導朱文光核算書院帳目序

凡事之成敗皆視執事者之經紀何如至一邑公事尤貴委任得人屏邑龍湖書院由來久矣所置經費有穀租地租房租每

年計約出四五百金其為數不可謂不多也咸豐以前由縣選派齋長董司其事並延兩學監院以總其成斯時人心樸質辦理尤為妥善及後數十年十習稍遜肩其任者大都無蒙混等弊光緒癸巳年予典學斯邑知兩學有監院之名奈予稽癖性生未暇考究幸賴正齋陳懋璞公蒞任後深知此中利弊旋遇縣主張筠亭移請兩學督算書院賬目懋璞公不避嫌疑將一切出入款以及各佃戶穩項逐一算明更將支款斟酌損益牒縣存案以期久遠今又得張公裘甫出黔江任調授此邦下車伊始汲汲以書院事為重圖並於筠亭公移交項銀五百兩悉數撥入書院及賓興兩項分用休哉屏邑學士文人何幸有此廉明之主以繼其後哉司其責者尚其秉公持正以求無負前後縣主培植之意可

存書目錄

同治十二年頒奉 學續奉史記後漢書三國志各一部交書院山長

御纂九經二部移存儒

凌雲書院在龍溪鄉光緒九年知縣張繼曾創設

卷查該鄉紳民公議在觀音場修書院一所需費八百串有奇建齋房五間每年文昌宮撥出錢百串會廟共撥出錢五十五串又將龍溪上下兩小學歸併院內上柱小學每年租穀十一石光緒十九年賴姓捐入八欠

屏山縣續志

卷下

學校志

規條

賓興

二八 文華印字館代印

田左邊田土一段二十年白懷清捐入穩項二百串收租均作書院膏火師肆業之需規條未詳

沐川書院嘉慶十七年知縣牛書田重修題其額曰奪肆書舍光緒九年知縣張繼曾復修

牛書田沐川司捐設書院引朱子白鹿洞規條與常平倉良法並垂不朽於聖賢所商富教之意後先吻合凡有士者舍教養二字別無治法予署縣事甫數月時詣錦屏書院與諸生講肄彬彬然俱有法度可觀第縣治偏南部士之在西北者負笈維艱心竊恨焉適因公至沐川土田饒沃男刈稻女曬穀滿篝滿車顧而樂之衣冠來謁者數人請曰年豐人樂咸願澤以詩書惟僻處山陬不能獲觀摩益僉議捐穀延師課授樂輸者甚夥予曰古族黨比閭各置庠塾近事建義學者不一家方今 聖學昌明雖窮鄉僻壤皆知家誦戶絃矧山川秀蔚人物恬熙如沐川哉予頃以錦屏官山歸錦屏書院栽培守護為將來闔邑士子鄉會試公車之資願其山舍曰錦屏文瑞又曰一樹百穫爾諸生距城較遠另設一席與錦屏書院中爭先率勵分職揚鐮數十年後所謂杞梓梗楠為植幹者奚翅百穫而已哉予竊望之因題其額曰奪肆書舍

平夷書館在平夷司文武宮內每年延師課讀館修稻穀十六石長官司後裔王姓及闔鄉

捐集 地接雲南副官村近越境從學遊泮者甚夥

鄉會試賓興光緒七年知縣張繼曾捐集收錢二百串三年通計鄉試攤四百串會試攤二百串由紳經理

附案中郡鄉絕業一分年收租錢三十三串李村鄉絕業一分年收苞穀十六石可變價五十餘串王恒太捐街房一向年收佃錢二十二串學中追獲銀五百兩生息年收銀七十二兩

屏山初無義學道光四年知縣葉樹東奉大府札於城鄉創設義館延師授讀俾童蒙有所

觀摩嗣後各鄉次第增設凡二十有一 其塾師歲由知縣攷取榜示館地修金並注如下
本城東館錢四十串西館錢四十串南館錢四十串均由書院付給 富榮鄉館穀租十三石 福延鄉館穀租十石零五斗 書樓鄉上館穀租十二石下館穀租十一石五斗 兩合鄉川主廟館穀租八石五斗 三公鄉

館穀租五石 墨池鄉館穀租九石 王家鄉上館穀租十一石下館穀租十石 岩門鄉上中下三館共穀租三十五石六斗由大乘場行稱提出每館幫錢十串 利店鄉館穀租十三石 李村鄉館穀租八石 新沾鄉館穀租七石 青龍鄉館穀租十二石 炭庫鄉館穀租八石 石角營館穀租十石除本家及王城鄉館外各館均由紳糧捐置收給

月課膏火詳見書院附注

屏山文童卷結向歸各童自備吏胥爭論多寡寒峻苦之光緒八年知縣張繼曾捐集二年計收錢二百八十串發給禮房藉資辦公不准向試童需索欸目注下 秉彝鄉文昌宮公斗歲提錢四十串姚鍾英每考捐穀十石維屏局棚費項下歲挪錢三十餘串其崇正學義同治五年知縣張秉堃以叛產歲攤錢百餘串原作館師修火光緒十五年知縣劉善源已全提作棚費

屏山縣續志

卷下

學校志 義學 膏火 二九

卷給

文華印字館代印

武備志

兵制 汎塘 營堡 礮寨 軍事 夷務

屏山舊為羈縻州元以前武備無攷明宏治八年土知府安鰲有罪改土為流設知府各官萬曆十七年添設知縣及守備等守備舊署在烟草峰城見舊志後移新鎮鄉今馬邊廳治國朝因之雍正九年改守備為都司乾隆二十九年馬邊廳以叙馬營千總分防屏山汎道光十九年安設萬全營於縣城東北茨行場駐守備一由松潘小千總一由叙馬營裁撥仍防屏山汎咸豐元年改回本營光緒四年移設馬邊沙把總一由漳臘左司外委一由馬存營裁撥存城咸豐元年分防蔡家山卡兵二百名其分防老營汎右司把總一由松潘綏勇八十名龍池汎右司外委一由松潘鎮勇四十名渾水汎左司額一由城守勇四十名小河汎右司額外一由松潘小勇四十名原額官弁兵勇四百零八員名共馬兵十二名戰兵六十九名守兵一百一十九名戰勇八十名守勇百二十名咸豐二年裁改無乾馬兵一名為戰兵光緒十一年裁馬戰守兵二十一名二十一年裁馬戰守兵十八名二十三年裁馬戰守兵七名以後每年裁半成六年合前後裁為五成 咸豐元年以縣境遼闊原設兵勇不敷分遣添設平安營於縣城西南隆華場駐都司一由建武千總一由阜和營噶

屏山縣續志

卷下 武備志 兵制

三十

文華印字館代印

外委一由松潘右額外一由永甯營裁撥存城光緒十五年分防麻路崗兵二百名其分防屏山汎左司把總一由松潘

撥兵五十名沐川汎右司把總一由松潘平番營裁撥兵八十名大坪汎左司外委一由松潘中營裁撥兵六

十名石角汎右司外委一由懋功營裁撥兵三十名石碑汎右司額外一由川北右營裁撥兵二十名又

分防麻路崗兵六十名原歸萬全營蔡家山卡外委兼轄光緒十五年移存城額外駐管原額官弁兵丁六百零九員名共馬

兵二十四名戰兵二百三十七名守兵三百三十九名咸豐二年裁改無乾馬兵二名為戰兵光緒十一年裁馬戰守兵六十一名二十一年裁馬戰守兵五十五名二十三年裁馬戰

守兵二十五名以後每年裁半成六年合前後裁為五成 平安等營地處邊隘防夷責重

都司各官定為邊俸三年以地方之安擾分官弁之升降都司每歲俸銀二十七兩四錢薪

銀七十八兩獨銀十八兩心紅紙張銀二十四兩養廉銀二百六十兩坐馬三四每匹歲支

馬乾銀十兩四錢 守備每歲俸薪蔬菜紙廉銀 兩坐馬三四每匹歲支馬乾銀視都

司千總每歲俸薪廉銀百六十八兩坐馬二匹每匹歲支馬乾銀十兩二分把總每歲俸

薪廉銀百二十六兩坐馬二匹每匹歲支馬乾銀視千總 外委每歲廉銀十八兩馬餉銀

二十四兩米折馬乾銀視馬兵 額外每歲馬餉銀及米折乾銀視外委 馬兵每名歲支

戰餉銀十八兩米折銀視馬兵守兵每名歲支餉銀十二兩米折銀視馬兵萬全營每歲由縣請領巡兵食履銀三百六十兩咸豐元年又於預籌經費案內由縣同領銀千五百兩撥給平安營六百兩萬全營三百兩爲出隊弁兵食費其狗脚卡汎弁一員另於縣防夷經費內領薪銀三十二兩兵三十名歲領燈油錢九十六千文安家山蔡家山轉馬路麻路崗四處汎弁歲領燈油銀四十兩兵一百一十名歲領更香錢八十八千文平安營現官弁兵共四百九十三員名內除辦公字識十八名外實官弁九馬兵十七箭步兵一百三十五鎗步兵二百二十四刀步兵四十五炮步兵四十五備弓一百六十一箭五千五百二十刀四百七十五軍裝四百七十五撥紗緞旗十二大鐵炮四劈山炮十拾鎗二十一鳥鎗九十二長矛百火藥六十七觔一兩八錢鍋帳十一頂副欽鏹斧鋤等全馬二十一疋 萬全營現官弁兵屏山共分二十七塘舊志東有縣城底塘福延書樓黑坎 今作 西有結髮改基 今作 平夷 俱平安營 蠻夷黃葛沙灣新溪麻柳流中沙沱菜壩西甯馬邊青杆中都觀音 俱馬邊營 乾溪鄧溪 俱安阜營 而無蕎壩烟遮深溝石丈靛藍 俱馬邊 五塘因據移交卷補焉屏山多夷患設兵二營以防曰平安營城堡在縣治西南隆華場咸豐元年委員陳彥坤監修用銀一

屏山縣續志 卷下 武備志 兵制 汎塘 三二 文華印字館代印

萬九千餘兩周三百二十二丈每丈高九尺加垛口五尺下厚八尺上厚六尺城門三炮臺一衙署二大小房間六十六局庫倉厰碓房抱厦演武廳全兵房三百六間其石碑均汎屋七間兵房十二間大坪汎屋七間兵房五十七間砲臺一沐川汎署一屋九間兵房五十九間咸豐九年都司柏昌懷同治十二年都司吳國英光緒十一年都司王定國歷次請款培修

曰萬全營城堡在縣東北茨竹場道光十九年建

屏山四境皆山防夷之策營堡外莫如碉寨擇險要地築守之亦足固圍而紓患咸豐元年建營堡時於舊碉六百外添修碉樓七百二十四砲臺七十一石堡十五磚堡二十一土堡九砦十二光緒七年知縣張繼曾於富榮鄉大樹岩修石堡一牆周八十丈高丈七尺碉樓一正房五間穀厰三間學房三間後廳三間另於八鄉要害處修碉二十六十三年知縣譚酉慶於楊泗壩石角營龍池汎下溪四處各建石堡一碉百餘其民寨與石洞之著險者亦附於篇曰錦屏山寨 在兩合鄉絕壁千仞鳥道僅通周五 曰偏岩寨 在富榮鄉卯逆擾境鄉人築土城於此以避懸岩絕壁賊攻不得去 曰玉峰寨 亦在富榮去大樹岩三里絕壁直上下臨大溪道咸間夷由東路出擾必經此隘鄉民堵截 曰三元寨 在鳳鳴鄉咸豐間鄧姓修周可二十里前後寨門甚固與寨比連有打石寨 曰天仙寨 亦在鳳鳴鄧顯揚修周五里許四面懸絕去寨八里 陳姓修周三里去寨十里有薄刀寨鄧姓修周五里餘牆垣堅固可以避賊

有王姓 曰大包寨 在龍水鄉周二十餘里四圍壁立達以羊腸 曰野雞寨 亦在龍水彭趙劉放四姓同修庚申冬邱逆圍攻不勝迨平安營失

黃茅寨 守賊將所獲營砲運至攻 之仍不利乃越而去 曰石門寨 亦在龍溪徐秀山修可住數百家地勢險要卯得與周子均攻之未下 曰石筍寨 此岩門鄉岩前二石直立如筍高五六丈梯緣

而上周十餘里四皆懸絕龍姓修居 之附住千人咸豐間賊攻之未得 曰胡家岩寨 亦在岩門與石筍寨對峙四圍峭壁上縱橫二十里李藍之變鄉人砌修寨門遠近附居以避賊 曰包山

寨 在王家鄉陶姓修甚險 曰白岩寨 在新沾鄉二面奇險 曰金庭山寨 在三公鄉周可二十里一線僅通猶攀蘿附葛乃得上同治初髮匪

入川知縣趙連元 節斷徑以避賊 曰峰岩洞 在榮富鄉宋姓修天險無二但老弱難於出入 曰石鵝洞 亦在富榮甚深險 曰沙溪洞 亦在富榮宋佳琦修中置屋十餘儲

穀數百石上下 絕壁猿猴難攀 曰甘酒罈洞 在書樓前山遠望之石皆破裂中有空 曰馬家溝洞 在王家鄉中寬下高十餘丈駕長梯以進

曰天仙洞 在三公鄉金庭山上原有古廟凌姓旁鑿之可容百十人洞之前峭壁千尋絕而上凌姓又於洞左里許及山之背各鑿一洞以避賊 曰丹霞洞 在龍溪鄉平安營對山馬姓修絕險而雅

曰江岩洞 在德成鄉 曰帽兒山岩 在大村鄉與隆場北五里鄉人請示同修岩高百丈門從峽口進內可容千人

屏山兵事可攷者始於漢武帝使唐蒙發卒治燹道通西南夷自後叛服不常歷代沿革互異鄙遠在夷書缺有間無論文不足徵即徵者亦未必適為屏事茲於舊志闕載較確者取補之並紀嘉道後兵事之涉於屏者其夷務為近今要圖尤詳著焉

唐西川節度使高駢築戎州馬湖沐源川大渡河三城為平夷軍 唐書

屏山縣續志 卷下 武備志 營堡 碉寨 三二一 文華印字館代印

屏山縣續志 卷下 武備志 營堡 碉寨 三二一 文華印字館代印

宋叙州三路蠻西北曰董蠻正西曰石門部東南曰南廣蠻董蠻在馬湖江古楚侯國也唐

羈縻馴騁浪商四州之地其酋董氏 宋史 宋初有董春借者貢馬自稱馬湖路三千七部落王子其地北近犍為之沐川賴因岩岩扼蠻險蠻數寇抄熙甯紹聖中朝廷皆為

徙賴因監押駐營丁岩而以縣吏控截政 和中始改差監押充知岩事蠻寇掠如故

元呼圖克從元帥耨耨馬湖江破宋叙州兵於老君山下 元史本傳呼圖克舊作忽都

明季流賊至馬湖府尹范學文集鄉兵與賊戰於東門為賊所敗眾遂散 舊通志

國朝嘉慶七年漢奸李逢春殺死夷人結囊一家七命復有廠徒劉萬林等擅殺夷目致夷

眾挾忿糾約涼山生番二千餘出擾由東甯鄉羅三溪一帶擾及屏之西甯鄉將各處房屋

燒毀六百四十間殺傷人民二十五名提督豐紳會同按察使董教增查辦將夷匪扭扭阿

票正法示眾並將各夷目遺散而為首激變之劉萬林等一並正法 通志

道光十七年五月十二日夷匪擾至大村鄉貓兒岩等處 七月初四日千餘夷匪從中和

鄉龍門溪出擾 雷波志十七年馬邊夷匪滋事總督鄂山檄雷波議防夷旋出擾黃鄉巡檢王如芬死之通判門崇撤任以慶符知縣劉耀庚攝廳家參將李萬春摘去翎頂留營後效提督余步雲按察使多歡

帶兵至雷進勦後以夷降師十八年夷又出擾劉耀庚以夷姓好亂愈撫愈騷欲百年無事非大用兵不可牒請選將

勵兵四道並進署總督蘇廷玉隨其言據以入告 延議阻格十九年寶興來督別議防邊長策增營汛添兵練修碼

堡築城垣扼要設防令各邊廳繪圖以進武備既修夷患稍息

道光二十五年冬有土匪三百餘人踞沐川禹王宮知縣宋鏞會

萬全營把總蔣玉龍以兵一百擊之斃賊二十八人生擒二十九人餘黨潰散 二十九

年十二月初六日夷匪擾至龍門溪燒毀觀音場殺擄甚衆 咸豐七年正月二十七日

夷匪出擾燒大乘寺民多被擄者 十二月千餘夷匪從老君山出大乘寺肆擄 九

年知縣黃漢章戈獲夷酋尼雀曲鴉等卡禁爲質夷患稍定 十年秋邱連山起患馬邊

府檄知縣黃漢章代攝廳篆並招安邱逆陷焉軍功姚文英死之 冬賊至屏圍城四日

去 庠生彭應芳筆記邱連山驍爲么姑沱人本易姓子少孤貧屠戶邱二養之孫冒姓邱身小而口給年二十六爲馬

楊某往抵沐川汛邱逆大衆突至陷焉先是邱逆犯萬全營破之守備張廷傑傷絕城遁至是又犯平安營都司馬宜聞
風先逃兩營軍器盡爲賊有尅期至縣城中洶洶遷徙有任所者見而忿呼曰大衆皆走甘令此城失守乎自願出錢五
千餉與守者郭茂佐聞言同出錢四百千林大豐家不中贊亦出錢六千立集壯勇四百餘人周元臣等任經理蔣廷
材任守禦遂開倉碾穀碎陣閉門以守並稟請援府委徐軍功步雲將三百人師行四日始至宜賓知縣劉棟威遣唐
把總金盛將二百人兼程一宿至唐之勇壯而有律所守皆當賊衝唐尤勦篤嘗夜大雨賊乘攻頗急衆勇畏濕有退避
者唐解衣赤體踴躍繞堞而呼曰鎗砲不傷忠臣義士况風寒乎士氣倍奮以火彈噴筒擲燒賊營乘其擾攘繼而躡之
殺賊甚衆邱逆宵遁馬邊曹守備又敗之迫降 十一年李永和逆黨周躡子掠沐川興隆萬壽底寶各
於嘉定知府史某本縣黃於賊去之次日亦回 七月羅逆掠大楠凹老曉寺出清水溪嘉定知府史某

場及羅拓溪一帶鄉民被害甚烈

屏山縣續志

卷下 武備志 軍事 夷務 三三二

文華印字館代印

招降之 同治元年髮逆石達開至屏山對岸一帶唐大有以勇五千防縣江岸 五

年馬邊教匪宋世傑作亂討平之

彭筆記世傑馬邊革生也其弟世洪亦文生先是五年夏屏馬交界地方聞有高德芳傳習紅燈邪教大府飭擊解一曹芳元了事世傑住馬邊大羅堰仍相傳習並私造軍器是年秋亂起攻破營汛奔圍廳城官兵陣擒世洪世傑逃至縣境麻柳塘被獲解省正法同戮有謝朝清等數十人

光緒元年雷波夷變擾及縣境鄉民有死者知州張世康議設土千百戶賞質夷酋以示羈

縻縣亦招降海奶等十二支歲費銀千五百兩 十年後縣邊境屢遭夷害知縣譚西慶

稟留達字五營統領駐紮其副前營分防榮丁鳳村楊村等處左營分防秉彝鄉西甯楊泗

壩及雷波羅三溪等處邊防稍固二十三年接換統領又撤副前營兩哨填防馬邊夷患大

章竭力布置幸獲安謐籌策及軍裝附後

竊維自古馭夷不外勦撫兩端勦以致其威撫以布其德若德不足來遠人而空自言撫威不足張撻伐而力難痛勦於

是權衡於勦撫之間駐兵而爲之防然勦撫則權操自我防則勞逸胥關於彼彼靜也我則逸彼動也我則勞防於此而彼聲東以擊西防於晝而彼徹夜以繼日我勞彼逸我失計而彼得計故勦撫爲制夷之常經防乃一時權宜之計也涼山猺夷之爲患久矣其強弱動靜恆視國運爲轉移即以本朝而論 國初盛時傾心向化自嘉慶間有三土司之變至道光末年內地多虞該夷遂甚猖獗迄咸豐同治不十數年必有小變光緒初元及八年十六年俱費兵力始行底定非備盡關運會亦夷性然也當事者求急於賊事遂許以土千百戶等名目特設夷餉節其坐卞當差三年責其貢馬名實相符恩威並濟立法何嘗不善無如時移世易當日能事之夷概已病沒其繼體孱弱世襲此餉支族之強梗者垂涎無計糾彼醜類犯我郊保不得已議增議加黑骨如斯白骨效尤有當差清繳難民之名無當差清繳難民之實間亦小有效順而良莠不齊日引月盛官斯土者懾於邊釁之不可輕開百凡遷就日甚一日夷匪遂視捆擄燒殺爲故常嚴比

夷差則委爲醜類中之囑嚀子而彼未與聞責其清繳難民率十不獲一雖防營偶有斬護而受害已多兵法所謂致於人而不能致人者也况雷馬地界半招夷人舉其名爲熟夷在意歸我鈴束其實言語猶蠻衣服猶蠻終與漢人格不相入馬夷之出反不於馬而於雷屏雷夷之出反不於雷而於馬屏近聞屏境滋擾率馬邊走馬坪油榨坪一帶夷人涼山及熟夷之瀾跡其間者恆有以今地界而論馬雷熟夷壘種所至猶門戶然出足則爲屏界故左營於今有防不勝防之勢亦有一日不可不防之勢而夷則無慮入門皆其種類夷俗無論識與不識可共寢食故今夷人窠穴非必涼山也肘腋間耳爲今之計勦則此未舉兵彼早先知撫則良莠不齊不能人人食餉故籌辦莫善於屯田以屏雷而論如楊泗壩以內一帶沙壩子通木溪麻柳塘紅樹灣等處先年皆烟戶稠密產糧甚多雷境羅三溪以上苦竹壩紙廠坪牯牛壩黃蠟溪中山坪等處出產亦以萬計先年開銀銅鐵廠其苗甚旺又有紙笥密蠟文石等物率因道光二十八年之亂沒於夷至今未能恢復若以一軍駐紮牯牛壩一軍紮沙壩子則斷人犯屏要口然後招農墾田招商開礦即以農商所入租稅藉供軍需二三年之間必有成效徐緩防而爲屯年中所需祇火藥子彈而口糧則可減矣夫屯田必於此下手者兩處皆逼近夷窠恐我急搗其窟穴自不敢輕啓兵端近來西洋通商口岸率以兵船游弋軍志所謂先人有奪人之心奪之也兵衛屯即借屯養兵漸次防營可撤則一營省二萬金矣其法特派屯正一人履勘凡雷屏地界之荒於夷者皆歸屯冊劃清界限以後業主不得與聞從容布置責成效不拘文法亦不從權稅征糧而撓其權其雷波地面之有夷跡不願歸窠者飭令改換言語裝服每牌牌首以屯兵之雄傑者爲之此不戰而屈人之兵策之上者也特慎選屯正難其人耳其次則以鹽法治蠻人夷俗能手刃其父兄者爲豪傑衆皆畏之爲之驅使其娃子之能割人者呼爲長標子飲食衣服與主人同故非獨其天性好殺漸靡使然而又擄我人民得以出售每率價二三十金其遭難之家能贖取者倍之利之所在人爭趨之故視食餉爲有限擄人爲得計因不靖以予餉而愈思不靖雷馬屏皆食其餉一處不得則反一處馴至一人得一人不得不得者則故反其處而撓其計此其爲患無已故也其出也恆十百爲羣藏身山林背負玉麥就地臥宿氈衫裹身乏則因糧於我而我兵則必鑿鍋帳棚故彼易而我難且路徑險仄蠻烟瘴雨大兵進勦萬難持久彼將妻孥囤藏先已搬移所得手者不過燒草棚數十百耳彼不與我迎頭接仗迨兵疲思返乃逞其追截之計占踞高山播石齊下此彼之長技而我處敗地非計之善者也莫如效彼所爲用雕勦之法不須多人祇選有膽略勇藝八九十人分兩路進兵一日夜急馳入其巢穴四面放火驚駭使散能登時斬獲夷首固足示懲創否則僞退迨其尾追伏兵猝起痛殺一陣然後夷人膽落於我而抒誠矣兵法謂先發制人後發制於人出其不意攻其無備彼有身家焉得不

屏山縣續志

卷下 武備志 夷務

三四

文華印字館代印

懼懼而求盟於我乃可爲數年之安如其大隊出窠則乘此各營精銳尙在糾合團丁與之決戰別選一軍搗其窠穴以爲奇兵如三邊文武齊心未有不勝者也何則彼無長戈利矛快鎗迅砲所持以逞兇者只險路站脚能穩飛石推人爲可虞耳昔魏伐趙趙求救於齊齊田單不救趙而急走魏都形格勢禁奇正相生故雕勦之法爲宜聞前此張督辦世康弟兄及馬邊軍功袁祖習用此計夷人稱述至今畏之此其明效也再次則以夷之無信反其道而用之夷人畏威而不懷德人人知之而莫敢名正其罪者非夷之利害實拘於朝廷之文法措置一不得當必干吏議使小民窮蹙無告則貌爲小安可以塞責夷之悅服非心服也利吾餉耳其餉隨從動踰二三百名非附和也利吾布帛及察我道路耳其心巨測莫可名狀故賞於城市不如賞於郊畿彼領賞後遇單丁小戶仍復逞其兇虐故莫如構彼千百戶來領賞者歸於郊畿劫之以兵馳送城內揚言如勾結圖報則將其就繫者概行殺戮彼有投鼠忌器之勢必委曲以相從然後責以清繳難民如我欲而止仍善待其就繫頭目雖於當差之例徐允其歸巢餉令以後當差認真不得以娃子充領如此則彼畏威懷德傳所謂叛而伐之服而舍之諒不敢視食餉爲兒戲其就撫也聽之其不就撫而反也亦聽之未有似反非反一面食餉一面擄擄者惟朝廷素以寬誠待人而爲急切變詐徵倖之計例所不取然兵者詭道以權濟之乃昭大信此亦一策也最下則循故事粉飾太平加賞以保民而彼又有各地私保之議忍民之遭害而謂已安聽防營之不能撤而謂已治此空糜錢養廬貽害此今日之通病澄覺者不禁扼腕而長太息也

軍器庫存件

- 洋火藥三十箱
- 銅火門二萬顆
- 鉛彈大小六百餘顆
- 劈山砲三枝
- 拾鎗二十桿
- 營鎗三十五桿
- 洋叉三十五
- 前膛鎗八十桿
- 紅羽毛鎗六十八件
- 大中小旗三十三首
- 羽毛襟袋一百一十件
- 軍鼓二
- 面軍號二桿
- 軍鑼小鑼金鑼九件
- 鈴索銅鑼
- 軍燈日規扁斧鈎鏟二百件
- 刀矛梭標桿子四十件
- 運糧麻布袋藍布小囊一百四十件
- 仿藤軍帽一百頂
- 銅鐵水壺十一把
- 腰牌二百面
- 硫磺二十觔
- 運糧票板一方

屏山團練散在鄉間向無專局光緒一十三年知縣張賢符奉文興辦紀事附

團防之法原於周之鄉遂以歲

時稽其人民而簡其兵器有征役則各率其所治之民而至以遂之大放致之自井田之法廢民不計口授餉於是貧富相耀而民力不齊民力不齊鄉遂之法無以講乃特設兵衛民而民積弱至於今習焉不察而兵又積弱朝廷知兵之不足特飭各直省裁減兵額至一至再大吏慮汛防單弱思以團練補之向之釐兵民爲二者今又將舉而一之貌

似復古而世變遷流不知伊於胡極也川省地大物博秀民不一非切實豫防難期安謐光緒二十一年定興鹿制軍來川飭各州縣舉辦團練其法大縣百人中縣六十人小縣四十人在各鄉抽丁集城訓練教部伍軍法教成三月歸農再調而再練之即以遣歸練丁知軍法者充鄉團教習以寡統衆執簡馭煩期於人盡知兵法至善也屏屬邊徼夷務外匪時虞出沒團防尤爲喫緊而籌款非易前令張迭集城鄉紳董公議咸願以每令廳汎點團規費充作練費其規費並由總局致送按上中下戶三等攤派上戶錢百二中戶百六十以錢十成之七繳於城局餘三成留作鄉團措集口食之需額定練丁六十名練總二人練副二人管帶一人局書一人每年共需口食經費錢二千三四百緡之譜邑三萬戶攤繳不足以五鐵廠肩之自二十二年開局之日起勇練粗有成效欸項亦踴躍輸將迄冬令而贏絀互見又奉文裁作四十名亦不敷支給近世人心不古凡事有始無終有名無實類如斯也予於是臆接任洞悉按戶攤派之擾民次年即擬撤局適夷匪不靖稟留三十名以先年積穀數目攤派穀多者錢多穀少者錢少視原辦貧富較均而團勇出戍邊庭經年累月亦較上年頗有實濟然晚近無善治一切苟且補苴朝令夕改孰是善建於不拔也吁可慨已知縣張九章紀

西甯汎嘉慶十九年培建知縣張澍記附

西甯汎去縣治三百里許與雷波毗連涼山猓夷時出劫掠斯地爲必由之途掘墻焚室剖剝兒惟斯墜首被荼毒而乾谿菜壩

以次受其騷擾雖屢徵兵剿戮糜博披服而奇性生犇姦猖鈔鑿頻歲有豈又窟穴深邃蝮地豺狼叢伏肆孽菁林隱翳追竄無蹤聚而殲旃不其難哉計惟有自守之乃克禦之故守邊之衛李牧謂籌保寨之論嚴尤著要古人築魚澤石門之障置烏壘支就之城其控莖狄也有然余謂治南兮亦當如是西甯舊有城淪虜多季僅存垣址邑之人憊恣後思思有巨固圍而土墜瘠确素鈔股啟且蹂躪屢經日形蕩析監生某恆達有識隱憂未然乃募衆修尋金若干計皆數月而城堡立焉其把總廳署兵丁舍宇靡不完繕可謂有功桑梓矣蒞任之二年自化林羅三谿至東甯烽火相望乃刻期選徒給銃矛發餼糧選塔旋即退公卒無擾疆場從此邊城晏門牛馬布野父老緩帶稚子嗚哺共樂耕達之天不虞風鶴之警苗且舞羽城可不贊是亦守十之屋願也是爲記並書

屏山縣續志

卷下

武備志 夷務

三五

文華印字館代印

藝文志

舊志詩文並載今碑序記文附入各志下則取類較隘又縣屬邊徼向乏名流過越題詠特將官斯土者及邑士人雜作搜錄數十藝表章風土用備輶軒之採如左明胡謐沐川長官司人永樂辛丑進士山西督學僉事著有山西志十六卷詳通志府志

國朝聶光燮道光甲辰進士官武昌府知府著有宜昌府志十六卷宜昌刻本槐陰書屋詩草二

卷制藝二卷試帖二卷公餘雜著一卷公牘偶存一卷附賓僚投贈集一卷汗青移自刻本詳士女表府志

羅應運康熙辛卯舉人官通道知縣通志著有丹桂亭集無卷數

鄧瑛雍正正己酉拔貢生官蓬溪教諭著有蓮癡集無卷數

方荇乾隆癸酉拔貢生官大竹教諭著有懷古堂集無卷數

聶汝佶嘉慶癸酉舉人官川沙同知著有硯香齋詩集一卷試帖二卷

吳紳歲貢生官蒼溪訓導著有鏡山集通志無卷數

屏山縣續志

卷下 藝文

三六

文華印字館代印

郭岱歲貢生著有望笑錄文稿無卷數

李國楠歲貢生官南江教諭著有雲皋詩話無卷數

彭應芳庠生著有香谷筆記七卷

聶鍊同治癸酉舉人著有同聲館詩鈔六卷

盧秉鈞增貢生孝廉方正達縣試導著有見聞隨筆十二卷紅杏山房自刻本

宋成佳附貢生著有醫學正源十六卷屏城妙策無卷數

聶鉞增生著有桂叢山館試帖二卷

聶培蔭光緒辛卯舉人著有鐘筓錄一卷

聶培清廩貢生著有光緒屏山志稿一卷

聶培庠廩貢生光燮之子著有屏山縣志稿四卷其體例較舊志簡當而可採者十之一於縣志不為無補又其姊淑媛著

有燈窗草一卷又族姪女炳靈著有繡餘吟一卷均未梓

跋

題花廳韻堂跋

李長清

堂以韻名誌愛也公退之暇少焉默坐於斯聽書韻而樂玩花韻而喜晉接者皆韻人快談者皆韻事至拈韻賦詩遜謝未能竊願隨諸同人學以韻此堂焉是為跋

題萬壽寺客堂攬勝跋

戴師程

按邑乘龍湖十二景彪炳一隅足括夔道形勝余秉鐸來茲筋力已就衰矣有勝情而乏濟勝之具既不能臘康樂之屐恣情遊眺意興為之索然惟茲剝踞邑下遊山水之勝一臂攬之也寺去學廡不及一牛鳴地近在几榻時一登臨不減少文臥遊也爰額之以誌遊蹤

題萬壽寺客堂小輞川跋

張秉堃

萬壽寺創自宋初龍關峙其左萬渦灤其下對岸野寺山村參差錯出樵歌漁唱宛轉相聞風景冠一邑惟寺左三楹為憩息所地僅丈餘而障佳山水於牆外余暇時偶一登臨入其中如井底窺天毫無意趣爰商之邑紳拓隙地得半畝許構長廊鑿曲沼間以花木而洞敞之遂覺雲山烟水挹入座中鳥獸蟲魚共來眼底雖王摩詰藍田別墅極菜蕘泥辛夷塢柳浪歛湖諸勝亦不過是顏之曰小輞川非襲美於前人特記勝於斯境耳是為跋

屏山縣續志

卷下 藝文

三七

文華印字館代印

記

沐川寨記

張無盡

南蠻東北接境常挾吐蕃以為中國患蓋其路一出大渡河一出沐川源一出馬湖江等其狹邪之徑曰榮經八面箐曰黑水曰中鎮曰賴因曰龍水曰陰川而沐川之路常為嘯集之地

贊

邑侯金公像贊

像在龍湖書院 昌祠之左壁石上 文

趙士愷

宜賓人

賢哉我公誰可與同治本經術推暨靡窮富教兼舉策衛全功寬猛相濟救鄭苦衷輕徭省役戢暴靖戎興衰補缺振聵驚聾捐貲置產課士培風整綱飭紀勵世東躬潛孚默化人和政通居官無倦行己維忠翩翩丹鳳邈邈飛鴻民之不忘肖像祠中

詩

祝馬湖太守李公祖

諱文獻 遼東人

國朝康

樊澤達

宜賓人

前春御李自京華望重盤根識舊家五馬遙臨春雨露雙熊高映曉雲霞歌思已覺民風古

報政何辭蜀道賒咫尺龍湖飄紫氣羣仙爭獻棗如瓜

邑侯金公重修東城樓落成

訓導 倪體元 威遠 歲貢 人

循良懋績重康甯捧檄南來鎮錦屏創建多方囊可解修殘隨處政堪銘東山拱向培關塞西嶺迴環鎖戶扃但使龍湖長鞏固仍標四可表先型

此樓原名四可

屏山縣

何人鶴 綿州人

金江抱城來勢逼忽掉臂千峰競插天白日不在內傍晚一雨過夜春遙響確隔溪知有人數聲聞犬吠

屏山即目

花放屏山草木薰天留疆界與滇分牛盤嶺背耕春雨樵響峰頭亂雲賣麝獵人焚作伴開林獠婦火為耘幾家茅店留行客落日猿嘯不可聞

丹霞洞

清溪屈曲石上鐫同盤谷三字明夷靖鑿石為洞曰丹霞

何鍾 富順人

野外黃冠此石門素雲丹鶴共晨昏蒼龍光射羣妖服寶鴨香浮四座溫壺裏吐吞閑日月

屏山縣續志

卷下 藝文

三八

文華印字館代印

洞中俯仰小乾坤漁樵若問仙人記遺蹟留題萬古存

屏山懷古

江安教諭 邱晉成 宜賓人

春雨初晴叫白鷗桃花開徧錦屏山朱提南去通烏撒瀘水西來繞鳳關薛氏書堂荒箒外唐蒙故道夕陽間時平卻幸無邊警極目烟榛意自閒

壬申除夕感懷六首

知縣 龍錫光 攸縣人

梅城南望路漫漫萬里蠶叢就一官何必有才誇吏治但求無事與民安難酬父老攀轅志

本冬父老乞留

怕素公庖鎮日餐祀竈迎春無別禱豐年多黍士民歡

髻齡負篋肆毛詩弱病頻勞母護持小事糊塗成我拙半生辛苦祇天知且拋束晰循陔詠來作長卿諭蜀詞料得萱堂花益壽椒盤進酒色怡怡

蓬山何處問前因

五上春官不第

贏得雲司簿領身

浮沈郎署趨公十載

賈傅上書徒憤世

己巳上書下奉旨俞允

毛生

捧檄為存親

是秋改官入川

官如匏繫心偏淡案近株連夢亦嘖回首

帝城雙闕迥看花孤負廿年春

弟兄文史足三冬巴雨湘雲隔萬重楊素無兒供掃徑潘安有母快扶筇劇憐小草根能活
頃聞舍弟又舉一男 未信彈丸職易供四載公堂來聽鼓 在川需次四年 恆防肺石立山農

弱女伶仃偶慰情憧憧蠟影已三更惟期官守伯高澤 漢代伯高祖由零陵太守遂家於楚詳馬伏波傳 每愧人言召父

名滿瘡日痍誰衽席連鼓天角靖邊城近來時事需才急聞道河南召賈傅生迢遞昆明有

劫灰 屏城對河即滇界 西風吹我上邊臺夷屯蟻穴黃螂逼波湧龍湖天馬來報國雄心雙劍躍思

親殘夢五更回明年更荷東皇寵花繞朱旛綺麗開

癸酉夏日同遊萬壽禪院二首

龍聲揚

天涯有客抵邊城閱盡蠶叢特訪兄喜挹廉泉忙下馬閒來蕭寺共聽鶯民因無訟資官樂

我愛吟詩向佛呈赤脚仙人何處去空留雪爪等鴻征 佛前有張三丰足迹

重修琳宇兩三房守土曾分鶴俸將 右室今春補葺 東峙奇峰新畫稿西流曲水活文章四山樵唱

民風古一榻僧吟客夢長雁序五年纔接翼同遊好話舊家鄉

神本山 縣西北二百里明永樂四年採柁木於此不假人力度險自出遂封神木山歲時祭之

屏山縣續志

卷下 藝文

三九

文華印字館代印

內閣侍讀潘曾綬吳縣人

天外波濤地上起蜀山之精老不死午日仙人市人眠光氣巨虹燭天紫錯疑駿骨埋土中
化成巨脰如防風誰識燕京修築日丁搬甲運勞神功古來材大難爲用五百年來同一夢
狂花不肯驚世人故山子規嗥一春井絡星精長照樹有時四面生雲霧風雨聲中忽飛去

遊錦屏山

聶汝侏

錦屏山莽山崔巍錦屏翠滴水瀼洄一抹屏風妙如裁四圍向背錦成堆今我登臨白雲隈
振衣千仞眼界開螺折如入小蓬萊山靈爲我滌塵埃馬湖鳳嶺繞屏來扶筇拄笏眞快哉
山中修篁古柏多奇才山下黃童白叟樂春臺四時山翠不須栽草木枯時花又胎柳絮楊
絲繫綠槐倦遊席地生莓苔溪畔引泉暢流杯分起選韻飲雲疊斜陽一角若相催稻花香
裏長歌回

書棲山懷薛文清公

馬湖城東東復東先儒廟食文清公公藏廿卷讀書錄皋比坐擁樓之中樓上春風兼化雨
樓下名賢添幾許登樓俯瞰千萬家更覺斯樓勢軒舉斯樓自足稱書田次種科名先種賢

浮葩浪藻是何物作忠作孝傲神仙神仙誰得謚文清公以入閣顯儒名見幾而作皆書味
天順甲申全所生人生事業重懷抱公言復性關世道夏絃春誦此樓中人與書樓共清妙
樓外雪泥鴻爪留蒼茫人海任悠悠信是書香足千古大儒循吏聚一樓眼中不必名山大
川千萬里耳中不必鸞笙鳳吹迎風起但願牙籤萬軸羅森森使我高聲朗誦書樓裏

遊錦屏山

聶光鑾

江城山勢擁奇峰錦屏羅列疊如墉山山相映屏相接無數屏錦透崑崙石屏環繞爭圍地
惹我詩情兼畫意屏影遙遙對書樓翡翠雲母峰頭寄錦屏高處碧雲飛金庭金江繞四圍
屏中好錦看不盡踏遍吟鞵若忘歸花縣四時山氣爽韻人韻事多個儻公餘偶遊錦屏山
甘露隨車洽心嘗時借宋明府同眺錦屏諸勝

錦屏山放歌

君不見東坡跌宕金山遊佛印玉帶至今留又不見風流羊叔登硯山殘碑片石傳人間胡
爲我亦有錦屏千載曾無車轍馬跡經珠光藏匣玉蘊石千崖萬壑鬱空青下有龍馬出沒
之深淵上有虛無縹緲之雲烟四面屏峰森壁壘中間邱壑走蜿蜒鸞鳳前驅猿鶴導天風

屏山縣續志

卷下 藝文

四十

文華印字館代印

吹我山之巔捫蘿牽葛恣遊歷兩腋飄飄若神仙仙之人兮呼不起仙之蹟兮可屈指或若
前笏朝天中或若衆流歸澗底或若神鬼扇陰陽或若龍蛇盤迤邐缺七字一峰未平一峰
起登高四顧神悚惶但覺峨眉筆架書樓都歸我眼眶底人生苦被塵寰擾習習有似籠中
鳥低頭踞蹠常不歡歲月無情頭白早何不茲山縱遊眺青天爲我開懷抱手持綠玉杖足
登青雲梯俯仰天地一長嘯萬籟俱寂聞天雞吁嗟乎人生不必苦搜求勝地只在人珍惜
天下舍英育秀豈獨錦屏山安得物色風塵同此賞眞迹我今來遊幾馳慕不學紫芝翁常
羨香山住亦不願作天台遊仙鄉回首縹雲樹但頭蓬萊滯島任我肆遨翔聳身直上青雲
路

自雙流假歸初入屏山

聶鈴

十年冷宦滯他方此日蕭條返故鄉風土乍看猶是舊兒孫且喜已成行菜根嚼得能爲最
蠹簡鑽深澤愈長寄語汝曹須努力當今臺閣重文章

道光壬午春邑侯李菡農先生於普濟堂查點時見瞽男一盲女一各年二十餘帶回
大堂令其配合交拜隨帶至各書房叩頭討賞羣相笑爲韻事各有詩

詠余亦戲占十韻

彭應芳

公堂花燭配松蘿笑比岐豐惠政多十二巫山雲雨暗一雙銀海女牛瘥難將美惡交評鑒
細問年華各揣摩牽復更無心反目嫣然那有意秋波瀰漫天地通情欲混沌乾坤合太和
琴瑟只聞聲靜好鳳鸞誰見影婆娑箇中消息三更漏夢裏姻緣九曲河老穉顛連皆得所
疲聾殘疾慢同科盲風未至吹盲樂執政何妨為執柯莫道慈祥無韻事蓼莪榛楛不勝歌
道光辛巳春衙齋同事諸友遊錦屏山歸作三十韻

巨靈神奇奪天工孽成崇峻何崿隆屏為寶幃錦為籠四時藏在烟雲中遠近開闔殊不同
外觀渾樸內玲瓏囿圖外實而中空山深深兮谷已窮石磴盤曲一線通茂林修竹苞仙宮
韶光鳴鳥雜流深異獸咸伏馴不狘中天烈日只朦朧披襟林下來薰風露下天高寂聽蟲
指點雲間數飛鴻界天嶺白積雪豐銀濤玉洞擁崆峒人臨絕頂摩蒼穹劃然長嘯氣如虹
北指太華中望嵩日月西落水流東悵然今古失英雄滄海一粟思藐躬富貴興亡一轉蓬
聲名誰與並始終俯仰大地恩光融尋芳逐隊探幽叢此日欣偕冠與童舞雩歸詠裁春紅
答邑侯劉申甫

屏山縣續志

卷下 藝文

四一

文華印字館代印

龍門感遇古今同拜卻隆儀蹈不恭馬相孫陽空冀北豕慚彭寵獻遼東庸才已受知無遇
大賚遠堪冒有功利普何如施口惠吹回寒谷賴春風

頌邑侯錢香士

原序公兩署屏山事徭役防堵備竭心力
曾在山子鄉度歲榮丁鄉作堡名錢公堡

初試牛刀即馬湖公忠上下盡交孚鐵船那得能重渡銅柱分明樹遠謨千里烽烟邊報緊
一鞭星火舊遊趨神君好是從天降還問屏山事有無
半生纔得解征裳鬢為蒼生忽點霜山子萬重勞杖履榮丁八面固金湯狄雲飛罷歸思切
郁雨滋深愷澤長樓認籌邊千載峙羣徒遙集賀龍光

頌邑侯張子敏

籌邊欲建贊皇樓政務綏徠出遠謀勤撫兼施遵督憲恩威並用絡夷酋西川不愧趙清獻
蜀國重逢張益州借寇半年難再借只留功德誦千秋
片言折獄仲夫賢天性由來不愛錢烟幅無華真漢吏仕途屈抑許多年
公餘攜餌結綸綿逸興心知武弁賢更有風流欣賞事閒行訪釣至江邊

署汎弁冉雲谷誼行
高潔公暇輒訪之

贈邑侯周東渠

原序公丁內艱將行向余取佛手數枝攜歸種植感成四絕以贈錄二

手自如來化像真拈花彈露佛猶親婆心日注靈根發樹與菩提一樣珍
果若蟠桃不計年仙鄉同玉種藍田生成待結扶輪手蜀國重謠見佛天

贈長都戎

去年西徼靖妖氛望歲如何比望君那識玉壺羊叔子即前銅柱馬將軍威風八面稱雄武
塞月三更且論文誓掃蠻烟思報國迪光華胄又奇勳

題萬壽寺藏經

穹窿古刹時郊東佛座莊嚴殿大雄南海蓮山堆寶頂西番貝葉鎮瓊宮慈雲匝地銷魔障
法雨連天灑太空總為衆生祈普庇萬年無上一誠通

覽彭香谷集有感

宋元樞

不見公顏十幾載見公手筆如公生蕭條雲散堪悲宋作述風流尙想彭王粲依人同一榻
子房借箸話三更材居寒地終難用長使英雄歎不平

太平石

聶鍊

屏山縣續志

卷下

藝文

四二

文華印字館代印

水碧沙寒翠繞烟雲天翹百坐如船星娥倘許支機贈便借仙槎到月邊

秋日薄暮登鳳嶺

躡足城西隅翩然登鳳嶺山缺嶮頽陽黯淡歸樵影涼天汗已淋雲重衣逾冷岩嶢失龍關
人烟催暝景一線金沙浮飛鳧爭舵艫棲鳥響林於紅樹自然靜鳳兮不歸來桐花落山
井

游福延溪

數家如窰小橋西信步尋春路欲迷溪水碧時雙鯉過林花紅處一鶯囁炊烟縷縷侵晨密
細雨絲絲薄暮低欸乃一聲柔櫓過半江搖破碧玻璃

游錦屏山

六十四韻

清晨登錦屏道出郭門北未盼好山來先阻高岡逼行行重行行一步一梯陟溪邊樵牧兒
情話邀促膝一息復再休徒羨前行疾汗雨冷金風綿綿爭脚力回首瞰孤城人烟淡秋色
金江一線青龍關千里黑髮道界滇雲巒雷控荒域感念籌邊才踟躕空目極迤邐上翠微
高趁凌風翼水竹繞田家路向桃源識歸然來錦屏對面欣可即方正配坤維蒼顏聳巍岌

越嶺復遷坡巖巖追莫及斷峰轟崢嶸赤城森屹屹近瞻忽詫奇玲瓏幻形質朱霞石骨皴
翠雨峰頭溼西角劈巉崖斧想巨靈執如開石門關屐齒沿溪躡松篠媚幽娟烟雲互噓噏
人疑入峽舟路眩迷花蝶隱隱漏天容未暝先昏默一語聲百應誰在甕中苔奇峰墮我前
勢開條已闔漸進欲無門山意不我納乍驚險阻乘刺眼生荆棘團團虎豹蹲嗟呀怒腕立
偏袒老翁來矮童獻簞笠紛紛狀莫窮諦視怪石暱當頭老樹精拳伸向我揖我行山亦行
嶙困貢層級螺磴步縈紆苔衣滑似漆孤橋臥莽叢紅泥黏敗葉履高心易危傾欹時慄慄
小憩坐峰坳嵐光天地接澗壑趣迴環林深香露裊窈窕烟蘿中巖乳明殘汁古洞鎖鴻濛
疑貯真靈笈泉韻憂微風葉響敲松粒地遂日光沈恐有蛟龍蟄瑤草不知名合是仙人植
幽鳥逐相呼迎人自飛集突兔驚觸藤馴狡獪偷栗曠與轉通幽萬緣俱空寂四顧迷歸途
欲問人難覓磬音空外浮犬吠竹邊出寺近宵無門僧閒獨行汲孤雲導我前蟻穿到桂室
老衲耳雙聾無生悟清謐駐足覺晝寒涉想輕裘襲神謁梓檀尊寺祛金碧飾香篆鬢鬢雲
靈風細梳櫛卓午響齋魚依稀嗅芬苾雖云物糲餐其甘勝肉食已復登山高下爭奇特
蜿蜒神龍游行止焉可測倦極鳥思還歸寺日已匿夜氣益淒清蟲聲四山泣暗峰如夢蘇

屏山縣續志

卷下 藝文

四二 文華印字館代印

冰蟾淨可拭獨坐欲忘吾瑩我冰雪臆淪茗對僧窗心魂尙習習天意惜靈區故使生荒僻

當拂生綃畫以倪迂筆

涪翁洞

聶培惺

味諫軒前曾試果萬渦巖下又逢秋詩人曠古幾邱行遷客長年多勝遊往事浮雲成片石
江城秋月眺寒流我來不盡登臨感惟聽灘聲下石樓

東關題壁

金沙無禹蹟怪石幾時開絕壁中流斷餘波隔岸回遠山隨水抱古堞限人來未見驚濤漲
都思利濟材

風土詩 四首

灑網收筒便悄然老漁終日醉江邊桃花水發魚兒長尺半江團半百錢
田頭不及土頭深包谷初嘗便滿心背負肩挑携取便鍋魁度處儼如金
沙舖一色起花香關外齊輪關內強引得兒童歡喜甚取將甘蔗抵檐長
常平倉外猥夷家閒過牛皮靜不譁賞號年中無缺少儘多燒酒與鹽巴

頌邑侯黃公倬雲德政

七言律
十二韻

宋成佳

龍湖故郡荷棠陰緣我神君兩度臨德政十年符保赤崇城數仞抵鎔金策縻惡獠成安土
化被飛鵝集泮林盜跡荏符蹤竄伏營開細柳令嚴森瘡痍復業頻籌畫早潦違時篤悃忱
姦格彌天無害馬獄平何地有冤禽萬家苗黍沾郁雨百里桑麻渥傳霖鴻雁哀嗷猶博濟
長蛇肆毒戒旁侵勞勞白髮催黃髮耿耿丹心愜素心古道詎隨流輩轉高風難向宦途尋
明防鬼矚修逾密清恐人知勵益深欲不頌公情曷已躋堂簪筆稱情吟

竹枝詞

聶篔

三堆石上捲春波送客江干喚奈何上下有灘灘最險行舟莫作等閒過

風土詩 二首

聶培庠

元宵十五月瓏玲結伴家家事踏青偷得園蔬連甲煮大家都要食零星
禮佛虔焚一柱香石龍殿內好鋪張降來騎腳真奇怪惹得鄉愚舉國狂

登赤崖放歌

君不見太華三峰高插天仙風縹緲山之巔又不見終南一徑冲牛斗奇峰突兀蜿蜒走我

屏山縣續志

卷下 藝文

四四

文華印字館代印

登赤崖恣壯觀仙人招我入雲端俯視諸山歸眼底千崖萬壑青如洗我欲凌雲遊太清鸞
驂鳳導御風行蹶然四顧發長嘯搔首青天快吟眺空中時聞鳴天雞危峰絕頂不可躋揮
毫興酣吐珠玉咳落九天絕塵俗赤崖晴雪眞畫圖變態陰晴衆壑殊山色晶瑩明積雪雪
影山光兩奇絕翹首書樓咫尺間錦屏筆架蒼翠攢四面層巒森壁壘一峰未平一峰起我
聞海上有蓬萊神仙照耀金銀臺茲山雄偉眞可敵冠冕蜀南惜幽僻登高縱覽宇宙寬萬
里金沙去不還山勢嶙峋圖一幅石棧天梯蟠古木誰將鬼斧闢雲根百道飛泉瀑布奔平
生慣愛佳山水到處狂吟停屐齒間看巫山十二峰金焦兩鬢佳氣濃我家江水發源直驅
入東海澎湃洪流衆川滙滄海曾經恣壯遊扶桑濯足天盡頭身行萬里半天下名區遊歷
談風雅故鄉如此好名山千載曾無車轍馬跡探我來正逢冬十月潭影間雲映林樾滿山
楓葉紅欲然欲雨不雨紛紛雲烟連年我亦飢驅走壯歲功名復何有燕臺往事夢如塵回首
春明迹已陳百代光陰如過客後之視今猶視昔龍湖勝迹足勾留弔古尋碑韻事搜俯仰
天地一長歎葱蘢山色龍湖冠人生事會安可常放眼登臨接大荒頻年海上干戈擾絕域
立功趁年少抱膝長吟發浩歌何堪泉石老烟蘿縱目雲山饒嘯詠花鳥烟雲怡養性人生

不必圓嶠與方壺即此奇山亦足稱名區奚必遠遊秦岱嵩衡諸名勝載酒時遊饒逸興何若聳身捷足步青雲上書伏闕策奇勳

揚雄宅

張九章

揚子談經處於今悵沐川問奇還載酒寂寞無人焉寄語鄉中老階除掃必蠲行將瓣香祝吾往復流連

涪翁洞

跨輿出東門言覓涪翁洞行行不數里崖口窄如甕文節偶寓耳竊深徑開伸古壁走龍蛇足我字磨礪

讀書樓

河東吾鄉里先生此讀書隨侍遊宦地希聖講程朱明社竟亡矣危樓蠹今扶人生豈不貴百世仰純儒

太平石

此石河年出沈沈在江底仙人張三丰太平良有指山高而月小落其監于水臨江止滔滔

屏山縣續志

卷下 藝文

四五

文華印字館代印

手蹟懷彼美

詠懷留別

愧譽勤明但率真堂皇親現宰官身民情底事曲能盡二十年前我亦民予家世耕讀相兼倍歷艱苦壯歲遊學數年歷

書生亦辛博邊功斬獲夷頭血染紅和飲爭傳蠻首酒由來督辦有家風夷俗相盟聞牛皮張世康辦夷務飭闖人皮予

以夷首和酒飲之遠近傳為的未曾有

蒞吾民迅越年一絕閱兩年關矣邊荒處處靖狼烟書生經世緣何術第一勳名信賞錢凡送賊匪及夷級者

不立予賞給故境內肅然

聞道涪民望雨來滿城桃李愧遲栽士林莫惜園君去新令更逾舊令才聞陳公前署雙流縣著有政績故為士民稱幸

予宰屏一年猥夷懾服鄰民至有以不敢犯屏境相詬者夷曰張大老爺能久任屏山乎姑待之予聞之輒然茲當去屏嗤且慰之

烏蠻別無能惟望乃公去公去亦何為將復逞其狙獮性犬羊狡桀難以馭遇剛吐不遑

見柔噬必茹自余來宰屏食餉不得飫兩年停未發遠近聲威著斬馘四夷級和飲供一臠
念余非諸葛打卦石何處又異漢留侯帷幄籌借箸從自練鄉團搜山使驚遽深林密箐中
寢男達旦曙一存傲倖心身首失所據嗟爾本蠢類無再試刀鋸涼山儘畜牧子孫種藩庶
毋或侵犯邊乘我之不豫我邑懸賞需章明而較著能保路口清領餉復奚語峴山碑墮淚
羊後有杜預行將開屯政與吾所上疏

屏山縣續志

卷下

藝文

四六

文華印字館代印

雜志

舊雜志分六目茲古蹟坊表宅里墳墓入輿地寺院入祠祭而以乾隆四十二年後詳異可紀者因次編入其輯軼凡舊志所未載者並著於左

嘉慶十三年六月初二日大雨雹金江水高三丈刷去居民房屋無算 十八年八月初

二日金江水漲高與東門外禹廟戲臺齊 道光十六年丙申九月大南門樓上忽有飛

鼯來棲止街民斃之以獻知縣錢忻和歎曰異哉此野物也不祥之甚 十八年戊戌夷

匪深入知府呂騶從過馬邊駐宿屏城公館其隨行夫役分住大堂暖閣衙神祠戲樓諸處

三更後忽大呼有豹子攫人羣起譁逐不見少頃忽又大呼如初然炬四索杳無蹤而老被

攫者爪痕宛然是年六月大水漲至晒魚橋橋上不能過人 二十一年辛丑大蝗

二十三年癸卯三月二十七日夜大雨雹龍溪一帶大樹皆被風拔去 二十四年影君

山下虎豹橫行龍溪富榮等鄉被噬百餘人鄉民請安山匠前後打獲數十害乃消其後多

患夷 二十七年丁未五月初三日大雨雹龍溪水口古廟被水衝去 咸豐二年中

都場大水人盡沒 五年十二月初七日夜雷電大雨雹 七年春城北十餘里兩合

屏山縣續志

卷下 雜志

四七 文華印字館代印

鄉一帶地面忽裂縫寬三四尺不等深七八尺或丈許知縣黃以雞犬血塗之城西十里琅

玕溝亦裂五六十丈其上草木墳墓如故四月日出有黑暈圍繞八月初五日雨雹富榮一

帶禾稼盡傷十七夜彗星長數丈自西南向東北旬日始滅 九年龍華寺人忽傳有見

天上蛇鬪之事蛇小而多半月後宜邑鄉民宋黃兩姓聚眾作亂勢甚猖獗地與縣境富榮

連界知縣黃札飭團練會同宜團奮擊勦平之 十年三月二十七日大雨雹夏初漁人

在城東江中得數魚皆五六百斤至五月二十七日水大漲湧入城中與縣署頭門石梯及

文廟宮牆基齊明嘉靖間漲痕鐫有字記此次適與之同 邑庠生彭應芳筆記云二十七日水淹至三

淫漸沒僅存聖廟街廟外石橋橫鐵二寸大十一字云明嘉靖三十九年大水至此水已將及字矣人以爲漲至此必不

再加二十八九水勢愈甚淹至禹廟亭樓頭警知縣黃向南祭奠河神次日水更奇漲丈餘知縣黃又從儀門祭奠將屏

山縣署四字立匾取投水中漂去午後始漸銷六月半間街上陸續退出城廂內外蕩去房屋數十家財貨無算大小

般隻悉由街心往來運載而江心時見全屋衝過曾有男婦三五人遙呼救命惟船不敢去聽之而已此千百年未聞

奇漲也 四月城東觀音亭有豹晝出大如牛汎兵擊獲之 十一年五月二十六日有妖星

見光長十餘丈射斗牛之間數月乃滅六月十六日夜半天中有旂色紅抑揚飄拂良久乃滅人多見之 同治元年始出野猪三五成羣害稼特甚其皮極厚刀鎗不能入近來愈甚民苦之 七年四月火延燒忠孝街數十家知縣瞿往撲救不息將靴投入火中炎燄更

甚日暮火起至三更乃滅 八年富榮鄉宋姓業內生慈竹一竿至第四節平分爲二長短適均 十年大旱是年三冬及次年正月朔日皆大雪 十一年十月初十日富榮

鄉天生橋折 按橋長三丈餘厚丈餘係生成石梁橫跨溪上是日忽中折聲如雷人咸聚觀先是岸上 光緒元年

富榮鄉峰巖桐樹結生春秋刀二把相合其形逼肖 二年丙子七月初二日大雨距觀

音場三里許一山崩裂溪水壅塞居民驚惶搬遷旬始獲流通遂成一沱長里許所謂小

龍沱也後月餘街市火延燒十餘家九月初八日大雷電 三年三月龍水鄉龍興寺側田

水騰起數丈若對潑狀四月初寺側有蛇數百頭相鬪 七年二月初八金江水渴萬渦

三堆石現玲瓏可愛城外觀者如堵 八年八月十九夜彗星見逾月而滅 十七年

夏大水淹至縣署頭門冬大雨雪城中積至數寸越日始銷 十八年十月大雨雪明年

歲則大熟 以上詳異

蜀有王曰杜宇教民務農一號杜主時朱提有梁氏女利遊於江源宇悅之納以爲妃移至

郫邑或治瞿上七國稱王杜宇稱帝號曰望帝 華陽國志

霸王鞭節節皆如鞭形緣身布刺相接爲枝幹有高至一丈者護墻落最宜折節插之即活

屏山縣續志

卷下 雜志

四八

文華印字館代印

按屏山雷波一帶最多 田居室錄

文翰逸周書蜀人以文翰文翰者若翬雉 作舉雞者誤 孔晁注曰鳥有文采者舉雞似鳥冀州謂

之澤特郭璞爾雅翰天雞注翰雞赤羽引逸周書曰文翰若采雞成王時蜀人獻之按西陽

雞俎魚復縣南山有鳥大如鷓鴣羽毛多黑雜以黃白頭頗似雉有時吐物長數寸丹采彪

炳形色類綬因名吐綬鳥今有吐綬雞蓋文翰之類唯蜀有之馬邊雷波屏山地最夥大如

翟五色仰日吐綬長一尺許須臾還收之隙臆前大如斗行慮觸隙一名避株鳥 蜀典

膾骨魚郭義恭廣志云隄爲郡樊道縣出膾骨黃魚按南中八部志云黃魚形似鱸骨如葱

可食今屏山有之 蜀典

狨皮煖坐叙州府物產引寰宇記戎州人進果然褥卓褐碧三色相間出馬湖江石門兩路

蠻界內通志

屏山最饒黃葛叙州府志黃葛木形如衆籐連理合而爲一大者合抱高數丈葉如橡根喜

緣崖壁生邑中所產以甘酒壘者爲最巨 蜀典

姓氏辨證云近世有俸氏邑民俸榮舉大邨鄉人姓纂周禮御人因官爲氏左傳注御以

叔邑爲氏邑民有御世輪國語注廬楚邑戢犁廬大夫別犁以戢爲氏邑民有戢榮又辨證漢功臣表魯侯奚捐無子封母底爲侯底姓也邑民有底蓮喜底世相風俗通魏公子信陵君芳忌後世以信爲氏邑民有信占元欽氏爲隄爲郡姓邑民有欽鳳補氏見姓苑邑民補景無線氏科氏羌氏古有之嘉慶間邑民線文科時泰羌世泰蜀典咸豐壬子夏洗油鄉玉峰山文武宮楹柱偶產一物純白色約三寸餘於殿右柱離地四尺高柱係橡木徑尺餘柱貼紅紙對聯而是物產於上惟時遠近里人集視羣相驚異有宋晴溪者名宿也居與廟近往視識之曰芝也爲里人道靈芝始末并囑廟僧謹護以誌瑞

彭筆記

張三丰宣德間來屏寓東城萬壽寺及灰獺溪之珠寶洞父老訛傳以爲邑人在寺讀書偶遇灰獺精魅惑之戲吞其珠即成仙嘗清晨以石簪撐至福延場市肉作早餐云云遂有太平石即石簪之譌太平石者東城河岸張仙所書石也中有太平石三字兩旁有山高月小水落石出八字末書爲宣德雲水張三丰題句以蘇語字卽蘇體用此兩句正有合於山高而見月甚遲水落而遺石必出按時撫景莫此爲妙誠仙蹟也彭筆記

屏山縣續志

卷下 雜志

四九

文華印字館代印

屏山僻在偏隅談風雅者絕少至於閨秀則慨乎未聞茲摘錄二首聊見一斑聶培淑圍爐云半窗霜雪浸羅襦且放紗幮坐擁爐綠酌蟻醅拚醉否紅然獸炭怯寒無煨將芋火禪參玉韻到梅花句綴珠頻熨湯婆眠未得一鉤殘月聽嘯烏聶炳靈寄懷堂姑楚生云十年相處切磋資如此辛勤罕見之白晝繡花宵起草清談問字暇鈔詩欣看慧舌蓮堪比妙解虛心竹是師笑絕梅花何雪豔朗吟珍重色絲詞二作皆清麗可誦稿道光戊戌春在茨竹坪軍營暇日詣銅街子見道旁有碑高五尺寬三尺餘題云漢鄧通之墓五字字大五寸餘碑上小字書大明嘉靖壬辰秋八月峨眉縣知縣某重立彭筆記



聶繩熙校字

李文銓鈐板